

藍山縣圖志卷三

山川篇第二上

二十二年徵集之□

縣當都龐以北萬山萬水互趨岔注眇敞旁魄不可擬狀或曰都龐爲五嶺之一其氣雄厚而敦龐羣山所都也夫山水公例南北經而東西緯地球依乎天躔縣界都嶠自嶠南趨粵海西趨桂海北趨湖湘衡岳稍西偏則三峯九疑實爲鎮望水勢自南而北者道嘉禾新田桂陽常寧耒陽衡陽以注湘其自北而南者直注南海非湖南所轄矣自東而西者入江華道縣寧遠猶注湘也自西而東入臨武者猶注南海也然縣境無入臨武之水山勢則相連此藍山山川形勢大概也若乃官山府海霸書所彰興寶物地職

藍山縣圖志

卷三

山川上

一

方必紀翳經郭璞之讚酈氏桑欽之注怪異不遺取證物理凡言山川尤資博覽在能測步以致實用矣夫山有懸度徑有梯棧港有絕流坂有九折故險阻必有所由遠道里必有所由記乘輿非濟人之長策閉戶非車轍所能合此謀交通者之所宜急有事也雲山經用始見鮮明邱壑棲託存乎藻繪大夫擅登高之賦關山寓零雨之什觀日捫星開雲霽雪天下奇概勝蹟傳聞廣矣縣富洞壑風景壯異此中神化妙極丹青抑頰印今昔者不能無乞靈子墨攄之無窮也綜茲數義區爲山系水道交通景蹟四者著之其有宜列表者各以類次焉

山系

王湘綺州志曰、以下直稱州志唐治對藍山、以山色名也、顧祖禹方輿紀

要云、藍山在州西百里、跨臨武藍山二縣界、蒼蔚蒼翠、浮空如藍、又云、藍山縣北六十里有藍嶺、卽藍山也、與桂陽州臨武相接、唐貞元中、郴州藍山崩、卽此、祖禹明末時人所稱臨武、蓋今嘉禾地、所指藍山、卽今南嶺山、地望有可準者、但州志所稱唐治、乃今古城、不望南嶺、中爲百疊山所隔、若土橋墟、近漢治古迹所在、庶足當之、然則唐治所對非南嶺、乃百疊也、百疊占縣名山之1、不足當山之系統、論全縣山系、當屬之都龐嶺、舊說云、天傾西北、地陷東南、中國山水道自敦薨、大勢由西北而東南、以趨於海、故占山地者、界爲北條、中條、南條三大幹、而顧炎武乃創爲三龍盛衰之藍山縣圖志

卷三

山川上

二

說大雅譏之、謂不合以山爲龍、是猶迷於堪輿家言也、然禹貢治水土、導山川、詩言墮山喬嶽、允猶翕河、要皆因源竟委、循上而下、又何能外於水行則山行、自然之形勢乎、故判定某山爲主、某山爲從、正支分支、不復可紊、則山系之義立焉、自秦以來、率以都龐爲五嶺之第三嶺、地望實在今南風坳一帶、以山隨水勢準之、縣水可別爲三大經流、曰鍾水、曰毛俊水、曰深水、卽山勢亦沿是而考尋其分合之迹、其庶幾焉、

都龐嶺、一謂之都龐嶠、一謂之部龍山、或單稱都山、部山、都部龐、龍字形音讀互省互轉、無庸深辨、其勢橫絕楚粵、三峯九疑、皆其苗裔、延袤五六百里、高不可仞、自縣西陸行三里亭、至八畝坳、稍

下又上至南風坳亭凡五十里皆累級遞上坳有石亭是名薰風有訓導高樹棣碑記過坳亭逕下里許有高蕩村居民六七家藍山人而田賦納於連縣是交粵界坳亭稍南接起高峯爲黃桶山亭北向之右矗起若特軍者是名天蓋又名天平山俗稱大羅界又曰大羅蓋頂謂與大羅天齊也陟其顛東望海日不減祝融縣人阮敬濤游天平山記云平頂參天手摘星辰故曰天平矣凡天平山以南下趨粵海其北趨湖湘者縣所當略區爲中東西三系中系自天平山北下爲石門山爲茶山石門山者二石接逗如闕然蓋石門水一曰雷梅水所出也茶山以產茶薺名自石門山茶山間岐而爲二從右趨西北者爲鐵釘砦爲漿洞堡皆縣南要隘

藍山縣圖志

卷三

山川上

三

也又北爲白家山爲東樓峯峯之北巒又岐爲二其一北迤軍田河流沙河二支流之間是名南嶺背直北趨爲西嶺頭西趨爲分水嶺爲三角山經下岐山童峯而盡於馬山童峯卽童峯塔之顛馬山卽天馬山皆趾鍾水矣當流沙河排田水源間分而西北者爲南蛇山一名蚶蛇山以產蚶蛇名爲癩子嶺爲野人山爲烏仔嶺爲排田諸山又東北趨則石榴峯矣峯脊互錯狀若榴花縣治對瞻鍾渚中流蔚然深秀州志謂在鍾流左岸蓋以南嚮爲位矣其上有皇英故祠祠前石鏡傳爲二妃奩臺說詳古蹟錄其側有井雩禱輒驗俗因名雨漣壘鏡峯西一巒若鳳冠軒昂乃名鳳冠山北麓訖於花果園

東系最高者曰黃蘗山以產黃蘗名江淹過此有詩見古蹟錄其山蜿蜒可二十餘里實界連縣連縣昔之連州漢桂陽縣也故有以蘗山爲桂嶺者矣黃蘗山分支西北行踰車線坪天鵝砦折北走漕溪魯田河之間爲劉家砦爲馬山當漕溪將注毛俊水處爲飛天龍黃蘗山正支東北值塔山界爲楓木山又北爲桐柏山分支西走經羊尾十八灣爲牙鷹嘴爲上平菴止於毛俊後岡飛龍牙鷹蓋皆形似上平菴卽接待寺奇險幽邃罕與比倫毛俊堡市竹木所出桐柏山之又北爲華陰山西迤岡尾嶺冬瓜冲訖南神坳後天馬山馬山天馬山多同名非一山也桐柏山正出者北氏朱河鋪入臨武境又北經盧家墟左分趨入境又分二支一支經紅涼亭田心鋪

藍山縣圖志

卷三

山川上

四

西出爲火背嶺爲楊梅山爲將軍嶺而止於苗昌嶺楊梅山將軍嶺新開馳道所經也一支西北行爲大嶺下爲上平山下平山石礮山背嶺以北盡於爻山爻山一謂之正東山是濱鍾水

西系最高者曰筆架山迤西爲獅形嶺皆從其形似名之分走而南倭夷於深水左岸者爲鳳形嶺爲茅栗山爲牛皮嶺經界牌山以入江華境筆架山正出西北爲梅花山爲沙子嶺分走而南沿行深水右岸者爲鳥仔嶺多名者爲五出火星爲岱山至西高山出

境而正出又西爲八月擋八月擋者打鳥嶺也歲以秋節百鳥南飛過此居人乘夜張網舉火徹天鳥見火回翔投觸羅網獲禽無算惟見雉至乃弛網若復張則虎至云南風坳爲南北氣候所分

類此者多驚寒鳥度如過重關矣八月擋又西北爲八仙下棋爲香鑪石爲三峯石八仙下棋者八嶺環一平岡八嶺象八仙平岡象棋枰也香鑪亦形肖也三峯石亦稱三分石爲其水三分注楚南及兩粵也峯高摩天相距各二三里泉脈散發石筍玉潤是產石耳攀採隕越臨武人有冒險登取者旁生龍鬚草土人亦割售臨武織席擅利三峯石東迤下爲濫泥坳爲官里源高粱紫梁二水所導觴也又東偏北爲茅龍山爲西嶺分支競出迤東北者爲簸箕山爲馬鞍山爲老鴉山爲金盆砦而止於嶺腳馬鞍老鴉二山間有錫鑛明時開採今存堆迹金盆砦陳虎都所營也自濫泥坳迤北趨者爲三丫髻山卽三台也舊名賽袍嶺又曰簑衣嶺其

名三台縣令史克信所易也三台稍東爲夔峯其顛有南嶽行宮峯之半有夔廟其下迤東爲縣城北岡爲鼇山爲迴龍山爲錦雞石迤東而北爲油榨嶺爲龍形嶺爲金榜山金榜山俗稱兩頭砦傳爲昔人築砦避徭難於此皆在鍾水西岸矣自茅龍山下西嶺正出西北趨爲香鑪嶺爲龍山上有龍廟唐時縣令莊武龍建碑州志稱之龍山又北爲界頭山丘陵起伏勢稍平行北走楠木橋折東北爲鉛山產煤不佳又東爲官山爲百疊嶺是產方竹亦有皇英祠層巒開合如雲衣皴疊周市可三四十里東麓盡於灘上三峯其中出者由黃土嶺北行經上下村北爲牛丫嶺爲雷公山逾熊家後岡爲莎雞嶺交椅嶺迤而東至甘溪鄧村後崛起高驤

是爲藍嶺山、控駕藍山及嘉禾寧遠新田四縣之履。

藍志載山嶺峯巖尤有名者、自山系水道及古蹟已見外、有錦屏山在縣西二里、昔人依之爲砦、一名官砦山、其山後卽三丫髻山也、有唐源山在舜巖之西山、出異木、事林廣記所謂檀山也、有天柱峯在縣北十五里、竹管市近、拔起平地、植立如柱、蒼翠罨靄、四時一色、有古院巖在南平鄉、洞門深入、中一石儼如神女、俗名漣漣石焉、其餘山地可名者、悉諸表。

附鍾伯毅都龐嶺考

伯毅名才宏
近以字行

都龐爲五嶺之一、世所公認者也、其位置在湘在粵、傳聞異詞、以爲卽今藍山南風坳一帶者、王湘綺州志所定案也、今請先

藍山縣圖志

卷三

山川上

六

明諸家之異同、漢書張耳傳、秦爲五嶺之戍、稱五嶺者、莫古於此矣、淮南子、始皇使尉屠睢發卒五十萬、爲五軍、一軍塞鐔城之嶺、解者謂當後世湖廣麻陽縣、一軍守九疑之塞、解者謂當後世寧遠藍山縣、一軍處番禺之都、解者謂當後世廣州番禺縣、一軍守南野之界、解者謂當後世江西南安府、一軍結餘干之水、解者謂當後世江西饒州府、此實爲五嶺演繹之濫觴也、杜佑曰、五嶺塞上嶺一也、騎田嶺二也、都龐嶺三也、萌渚嶺四也、越城嶺五也、解者謂塞上嶺卽大庾、都龐嶺在湖廣永明、此一說也、一統志曰、桂陽州藍山縣南九十里、有黃蘗山、本名都龐山、與廣東連州分界、此爲五嶺之一、其一曰甞渚嶺、五嶺從

東第四嶺也亦名白芒嶺在道州江華縣西水經注萌渚嶠有萌渚之水出焉其山多錫亦謂之錫方自騎田嶺而東則爲大庾嶺接廣東南雄府江西南安府界自毗渚嶺而西則爲臨源嶺廣西桂林府界橫絕南北不啻千里上風迴別寒燠頓殊秦王翦降百越以謫戍五萬人守五嶺誠天地之關隔矣此一說也顧祖禹方輿紀要於湖廣云五嶺之在南境者凡三一曰騎田嶺五嶺從東第二嶺也一名臘嶺亦名黃岑山亦名黃箱山在郴南三十六里嶺高二十九里周圍三百八十一里曰都龐嶺五嶺從東第三嶺也亦曰永明嶺在永州府道州永明縣北五十里連亘羣山高險殊絕又名揭陽嶺其於廣東云五嶺之

首曰大庾嶺在南雄府北六十里與江西分險綿亘而西爲騎田嶺都龐嶺與湖廣分險此一說也而斐淵廣州記則曰五嶺大庾始安臨賀桂陽揭陽也鄧德明之南康記五嶺則曰南康大庾一桂陽騎田二九真都龐三臨賀萌渚四始安越城五或又以爲秦時入嶺之途有五不必皆山也自福建入廣東之循梅一也自江西之南安入南雄二也自湖廣之郴入連三也自道州入廣西之賀縣四也自全州入靜江五也諸如此說不啻以十數按今昔形勢有合有不州志以都龐確在鄉縣蓋根據水經矣水經注曰最東曰大庾嶺在南康第二曰騎田嶺在桂陽郴縣第三曰都龐嶺在南平縣第四曰萌渚嶺在馮乘縣第

五曰越城嶺在始安縣夫南平漢縣唐乃更名藍山今仍之此誠鐵案以今勢準之無論黃蘗九疑皆都龐所系右百越而左甌閩都龐實當其中序之以三扶輿磅礴位在縣南又何疑焉阮敬濤游天平山記

天平山在寧溪之陽舜水發源其處俗稱大羅蓋頂卽都龐之顛爲余族祖山每歲清明族中年二十以上者卽入山掛掃并進獻土主重山神也余年二十隨伯叔兄弟而往清明時節煙雨紛飛未嘗陟其顛如是者有年歲丙寅重修宗祠凡棟柱樑木採自祖山余爲督理以伐木故入山時四月八日也天朗氣清山風迎人至山麓古木前引獅山拱揖折而東入石門石門

者兩石夾道中通人行天設此險以鎖鑰茲峯者也不數武石徑層級如梯二里許至石漕廟廟旁有巖爲李都成道處至今肉身尙存云然巖門沙壅不可得而見矣又二里有馬蹄石傳爲仙人過河處其迹恍然數武至佃居令雷吳二人引路乃上羊腸鳥道攀藤附葛幸風小可行大則若恐失墜高廣莫窮其數平頂參天踏其上手可摘星辰故曰天平極目俯瞰綠野如枰千家碁布煙火鬱然不可涯際此身疑在蓬萊島矣余自游九疑而後至此復大暢因喟然歎曰昔太白登華山謂呼吸之氣可通帝座今登此山豈不謂然佃丁進曰公謂此山可通天帝乎此山不惟可通天帝且可通海景我等先年避亂曾夜宿

於此月朗星稀烏鵲南飛俄聞萬里奔騰聲駭視東方紅光一道透出水面蓋日由海中滾滾而上大如車輪洵大觀也余聞不禁情怡縱目遠視渺渺茫茫清輝一片銀練橫拖動光天碧佃丁指曰此東海也卽日出處正觀望間忽有白雲如絮飛來海面少焉紅或如羅碧或如絹青黃赤黑無色不全層巒疊岫動搖空中樓閣亭臺掩映日下且有若鳥之飛獸之走龜之伏魚之躍者怪怪奇奇莫可名狀佃丁又曰此海氣騰空變幻也不久必雨問曰子何所見而知乎答曰吾等久居此土每東南雲起必預備雨具以待不時今東海雲起雨在咫尺再望東南雲已磊磊如墨矣急促余行猿牽蟻附而下見萬斛泉源湧出

石峽若噴珠然皎皎乎疑白龍戲海浪花騰空噫此吾鄉美景奇觀也向使在中州名公巨卿碑賦詩銘傳播天下矣奈何冷焉如是耶余以鄉人朝夕習見此山乃三十餘年始得一游繼余者其可期乎古詩云五嶽歸來不看山今此山爲五嶺之三其與五嶽將毋同時夕陽含山甫入佃居雨果傾盆故爲之記俾未游者覽之如游焉云耳

黃企羸黃蘗山說

縣郭之西峯巒鱗次雜沓宛若洞庭波起綿延可五十餘里僅有黃蘗知名之一山山形無甚表異其中產黃蘗遂以名焉夫方輿之內無處無山或則降靈毓秀或則奇勝撩人或則物產

利用各有所得，斯不至沒世無稱。維茲黃蘗，亦所謂具有一得者也。不然者，以淡淡無奇之狀，又混迹於糾紛之中，去郭且數十里，孰從而知之而特表之哉？來甫一應有靈，而以松柏顯崧嶽，自多物產，而以申甫傳，以其爲來甫也。毋寧爲崧嶽崧嶽自靈乎？抑必有申甫而後靈乎？則恐黃蘗之怪人也。他如選奇搜勝，必須放下俗眸，若九方皋之相馬，庶幾得之。黃蘗一則不遇申甫，次則不逢方皋，所以自今猶是黃蘗哉。

史克信三台山易名記

余自庚午歲蒞任，今八年矣。每望諸山，秀色宜人，思一登覽窮嶼谷之幽隱，考山水之淵源。今春時和民安，政簡事暇，乃至治

之西北不數里，重岡疊障，特起三峯，岩巖絕羣，前迎後送，若獲奇觀。詢諸土人，是山何名？曰：蓑衣嶺。其初爲賽袍嶺，因詰之，旣稱賽袍，何改蓑衣？土人不能對。余因憶長子訥，曾於戊午春爲予言午夢一老人居街之西，設故衣局，謁之，其貌古，其神矍若壽星。相語論間，來二道士側聽，得毋所夢卽山之神耶？曰：故衣甚符昔所稱蓑袍者。二道士何來？則左右二輔嶺歟。果爾，則山之靈愈著矣。獨是山不能自爲名，因人而顯，人不能齊所好，稱口而稱之，美惡山不知也。而靈則有受，有不受，於何知之？於其實知之。如吾魯泰岱受秦封而呼萬歲者，三非以其興雲出雨，澤潤生民，實足以當嶽祀耶？則斯山之名以賽袍，易以蓑衣，誣

實甚矣樵夫牧豎不足責何士大夫亦徇其稱而不更以美名也爰就三峯徵之午夢名曰三台中祀壽星符南極也旁立二輔則洪範五福所稱富與康寧自有神以主之也由此而山靈默佑登藍民於壽考永享盈寧之福是則與夔峯舜陵并曜千秋矣

黃孔佳天柱峯說

卓然聳峙於煙雲浩渺之間惟天朗氣清始得窮其上之所際而全身畢現前後左右刊落崕嶮邱垤攀援依附之私泥塗中自成堅剛突兀之概得天柱之令名肖其形也顧蒼蒼者遠而無極卽有什百如此峯之高不能柱之望而儼乎其形勢之所

積也卽更有什百如此峯之高不可柱之茲峯無言而人顧以天柱名者蓋寄其意也夫天柱以形肖而名不能柱不可柱亦正以形拘而肖者其似爾不爲形之肖於所以形形者得其肖焉斯真柱矣舉世共此一天亦各具一天其間基址門戶四維藩籬一有不完急須煉石補之而莫先於樹立倘其陰柔依阿柱之不存餘將安附青青者萬古猶是而方寸之宇棟折而榱崩矣或曰氣以形依平原其基址也亘綿盤結其四維藩籬也空洞其門戶也直如引繩圓如就規堅剛聳峙以爲柱焉則茲峯之號天柱也允宜

封勳天柱峯記

城北十里許有石峯突出拔地插霄旁無所依曰天柱峯蓋共
工氏之所不能觸夸娥氏之所不敢徙也峯然起於草莽之中
寬不數百畝高不可以數紀卓然獨立巖竅玲瓏中虛納聲春
有泉激湍聲夏有薰風徐來聲秋有爽籟騰空聲冬有寒冰散
壑聲四時之氣不同其聲亦因之而異也琴書之暇乘興登臨
憑空四眺呼吸之氣通帝座五嶺諸山咸若星拱小峯俯首如
兒孫焉余聞天地鍾靈隨在而有故崧嶽生甫眉山產蘇而九
疑之秀是開濂溪茲峯近疑山靈瑞所蘊獨無互相輝映者乎
振五常扶四維天柱不傾克符峯號必有人焉起而爲山川生
色也

水道

凡水以源較長流較大者爲經源短流細者爲支此定例也縣境
水較長大者三曰經過縣城之水曰經過大橋堡之水曰經過火
田渡之水但名至不一易滋疑誤今參以地理歷史俗習慣稱定
經過縣城之水爲鍾水經過火田渡之水爲毛俊水經過大橋堡
之水爲深水皆畀以經流之名其入鍾入毛俊入深諸溪水概屬
支流支流較大者乃復別爲疏明以其一支流之中又有無數支
流也余爲此役偕編輯鍾才濩李鑒三劉焯先後巡視三大經流
源委叢山莽谷間繭足有未能徧而據所目見詳詢土人證以州
志乃多相刺謬卽縣人陳克正所述作亦有未協者若以陵谷變

遷爲解則南中溪流沙石犖确轉山化池之異蓋不常見甚矣著述地志之難也茲編地望悉準今勢地名悉從俗稱不敢傳會舊聞牽攀故實凡水勢伯仲者曰會曰合附庸者曰入曰注境內加詳境外從略庶少滋造虛失實之咎焉爾

鍾水導源都龐是分東西二源皆自南而北各行三十餘里而合於舜鄉廖家莊

鍾水舊以爲舜水又以爲歸水以爲是當水經注鍾水者嘉禾人羅僊發之王湘綺桂陽州志之所本也州志曰鍾水出藍山縣南風坳西流五里屈獅子嶠屈北流屈沙嶺所言鍾水源祇此蓋西源也其於東源乃絕未道及又以南風坳代都龐大名

蒙冒沙嶺乃復注曰自南風坳旁山攢拔西爲深水東卽鍾源定位沙嶺西深東鍾故自瞭然而不知鍾水亦自別東西源也南風坳乃都龐之一坳沙嶺亦都龐之一小嶺如子男小邦各以班從不可混越亦卽鍾水東西二派之所分疑湘綺當時行水祇在沙嶺尋得一源未曾一至南風坳亭不然何其於坳亭之麓草鞋坪以下與沙嶺東西并行數十里之源寂寂無聞也源分東西詳其分合是不可欺矣

東源自南風坳薰風亭北麓細泉萌達溝澗交注里許屈草鞋坪二里石冲營有橙子冲水自天蓋山下行可三里由東來注坪爲度嶺行旅北下頓宿之第一舍芒屨陳積因以受名至此

始聞水聲隱約草樹間又里許大山水由筆架山麓繞從西注石冲營舊置戍兵卽黃山源也今從營名不問山源矣又三里高橋砂溝送流叢篁掩覆有似伏洄時露石阪奔瀑屑琲琤琤五里屈半山雷梅水由石槽冲行可五六里從東下注雷梅水或名雷門水石門水石槽深險傳爲李十一尊都府飛昇處土人祈雨間有至者五里屈牛塘口小平原水由野牛嶺西行經小平原村可二十里從東南來注牛塘口爲南風坳北下較繁旅店小平原水當北端石橋平度水激潑注卵石蹙流岸樹逗波西北行五里得八畝坳自草鞋坪至半山陸行皆下至牛塘口乃復陡上至八畝坳也又西北行五里黃瓜山三里金鉤灣二

藍山縣圖志

卷三

山川上

十四

里班鉤灣過曲龍尾一里屈廖家莊下會西源也

按陳克正云黃山源出南

風坳之旁枝溪流十餘里會石門山水又北流四里轉西里許復折北五里得小坪源水東來又北流三里經成排洞至雞胸橋入鍾卽東源也地名有同有異各以所據言之雞胸橋當指廖家莊橋

西源卽州志所載師子嶠至沙嶺水源也師子嶠土名師形嶺

州志文言之乃曰嶠耳沙嶺卽沙子嶺省稱南風坳一帶橫據

楚粵高頂而土質沙瑩疑爲海底沙子嶺尤澄沙漾金淘之不

盡土人言昔淘金於此陵谷變幻殆不可窮水自槽对冲北行

六里狹源迤西北行二里大河邊有沙子嶺水自源頭山過井

頭行可六七里來注按源頭山卽深水源之一蓋山東之水爲鍾源山西之水爲深源矣卽州志

所稱屈北流屈沙嶺有一小岡石骨帶土旁有泉溝臨溝石開

者也稍南而北行五里屆上洞盤家有盤溪水入注即上洞盤家水約名

盤溪四里屆下洞黃家有小水由上木嶺發源南流五里經牛角

冲折東南流三里來注一里過樂舜亭橋黃家村有礮樓明時

所建橋以石甕亭薨樹蔭其風肆好舜鄉多以舜名地樂舜亭

亦以此也水流狹淺杉樹單株浮水曲泛又里許有上尾菜水

發源鐘鼓山東北流五里至上尾菜又三里大鼓坪又二里自

東來注陳克正以大鼓坪為大布坪上尾菜為上圍蔡謂與狹

源只隔一嶺岐云又北流二里屆石拱橋官里源大古源二溪

水合流經屯上行可七八里從西來注官里源水自豬婁洞經官里源至屯上大古源

水自杉樹源經白水帶厲家至屯上白水帶以水從石壁瀉下、有似白帶而名蓋小瀑布也陳克正以官里源來自三峯石由

藍山縣圖志

卷三

山川上

十五

梅花田出橫江又北行一里大麻營羅家洞水出野牛塘即黃瓜嶺西

麓西北流三里唐家坪又三里小門口又三里羅家洞又二里

屆大麻營後下注羅家洞有巖深莫測產回魚秋來春去厥汛

不爽故名曰回又麒麟巖在羅家洞稍下高丈許深如之活水

不竭黃海平施以修鑿謂可面壁殆近好事矣大麻營亦汛地

也把總久廢設市高岡大橋堡寧溪所之間一墟會也米紙苞

穀食貨所出陳克正云墟場濱水砌大碼頭因名今習稱大麻

營亦省稱大營矣墟有都府廟亦祀李十一尊傳為與彭敏道

鍾六郎學道法者并詳方術傳州志載縣人祀神有三都馮都

楊都李都蓋皆蠻帥云過大麻營北行三里林鋪又四里屆廖

家莊長干源水自西來注長干源一謂之長江源水出師子山
西麓東流三里過長干源又四里陸家冲又三里洞頭又三里
廖家莊稍下半里與東源合水勢伯仲略分清濁西源土性沙
少於泥故較濁東源泥少於沙故較清余行水至此低徊久之
有詩曰湘綺述鍾源導觴槽對冲南坳亭下水殊少詳其蹤沙
嶺乃西源草坪當其東東西并域流魯衛班相從東清西稍濁
源異流則同灑灑石齒齒約略長短通散霞媚萬壑村煙逐山
風餘波滿溝澮水利良無窮周旋阡陌間客意復春容紀實景
也

自廖家莊北行三里張家陂

一作張家碑

又三里黃泥鋪紫良源水來

藍山縣圖志

卷三

山川上

十六

注又三里屆寧溪所城高良源水來注

紫良源高良源皆徭山水也

紫良一作紫良或作紫良或作紫良或作紫良或作紫良

高獠

皆從西岸入紫良源自三峯石下濫泥坳右冲溪澗互注東

流三里過紫良源又三里李家田又三里山田又三里屆黃泥
鋪西入注黃泥鋪亦謂之凰儀鋪陳克正以爲至廖家莊入鍾
者舉大名也山田蕭姓亦大族當徭山口近患盜賊築礮樓竟
爲所破害人反巨冲右曰南陽產佳石一種烏石金點膩澤琢
研發墨不讓端溪錄陳克正說高良源水有二源一導源濫泥坳左
冲南流五里過梨樹坪與導源八仙下棋水會東行五里鴨婆
洞四里坳頭二里蘇家村三里水口廟又三里香粉廠又三里

高粱頭又二里屆寧溪所城西南門入注阮敬濤寧溪所志曰
高粱源出香爐山經爛泥坳東流至冷水源領澗水又東流至
高粱源灌溉徭田才數十畝經幢旛嶺麓過天平嶺右出高粱
頭大壩口連疊數壩分灌屯民田萬頃高粱頭水口有壩是曰
官溝潤田無算其溝由西南穿入城內陂池園囿城外屯田數
百畝俱利賴之余按所城濱水而地勢如邱西端有亭名曰四
維逗接大小倉背嶺官溝下臨繞市城郭鑿砦鼇峯虎巖徭坪
四山陔映火器未備時代誠一奇秀奧固之區雷時中所城南
門銘云挹華吐秀吞含川光矣今以外山抗城礮石逼射賊至
常陷闐闕瓦礫愴然在目城係屯戶自築想見殷富駐汛把總
矣

自寧溪所迤東行三里有仙姑砦水北來注之折北行三里白水
自東入舜巖水從西入稍上屆長鋪有小水由東入

寧溪所志云仙姑巖在城北二里俗傳仙女所棲水由鐵矢嶺

西南

陳克正作鐵屎嶺
或曰卽鐵師嶺

行十里折北至巖前下注白水出白家

山西流三里過白家村又五里東山亭腳又四里屆梘下洞對

岸入注，舜巖水卽巖口洞水。巖在寧溪所城北郊六里，傳爲虞舜巡歷其處，鑿有舜巖二字，不知所昉也。巖分七洞，一洞石田，自然成阡，掌迹印壁，若隱若見。二洞石雞母子，石師逼肖，深入輒有異。七洞石牀俱云仙蹟，水冽漱石，其聲清越，洞口約石成井，雷成蕭，諸村近所汲以受福也。餘潤漑田，滋以膏沃，其上巖懸石如磬，擊之有聲，因名玉磬。九疑玉琯，殆有同音。又上得箭豬巖，野獸所藏，巖內有龕，墟土人掘土，或得鐵磬，相傳昔係佛寺，洞旁居人池館幽潔。陳太虛游記云：是殆桃源真境。余曉行探此，默聽巖泉，不覺吟曰：草木忘塵劫，田園自古今也。巖出肥魚，春夏間來，秋冬間去，與羅家洞回魚，其汛相反。舜巖水行可六七里，屈長鋪之對岸入鍾，或曰舜水所由受名也。州志略而不載。長鋪水當長鋪之北端，水由發祥巖來。一曰發財巖卽東團洞水也。自高嶺頭西流，四里經高坪頭，又三里出東團洞，又三里經長鋪後右入注。

陳太虛游舜巖岡記

五柳先生桃源記，人莫不羨慕之，或以爲仙，或以爲老壽，或以爲後世子孫皆非也，以爲仙者，則無畊種畜牧之事。東坡云：仙人必不殺生是也，以爲老壽子孫隱逸之民者，則不能不與世通。夫鹽鐵食用，農工樵採所需一物不缺，不通商賈，何從而得？旣與世通，豈有歷秦漢魏晉五六百年而人不知其地者乎？莊

子曰、寓言十九、蓋淵明慨想黃農之寓言也、然世間實有如記所云者、如吾邑城西舜水之舜巖、岡是也、其地離城二十五里、相傳爲虞舜過化之區、青山重疊、小溪屈曲、一徑中、通彷彿記之小口也、其中良田美池、風俗淳厚、黃髮垂髻、怡然自樂、殆記所不及、蓋彼假設、不如此真境之親切矣、村居前望、遠則秀峰拱列、近則撫長松數十、偃蹇若虬龍、蔥翠參天、數百年物也、一石山後峙、高大尊嚴、下有巖闊而深、通志所謂舜巖也、巖中石多如旗鼓鳥獸之形、莫可名狀、游者不能窮其所止、山分二支、左右環抱、關鎖結密、犬牙相錯、卽出入之小口也、巖中一水流出、卽舜水之源、清冽晶瑩、灌溉村洞、直巖之前、儲如二池、色碧福地耶、而桃源記遂爲此寫照矣。

阮凌雲游舜巖記

舜巖在寧城北郊、距城可六七里、相傳爲虞舜所歷處也、余童稚時、嘗聞茲巖名勝、欲游不果、今歲壬寅、從學彭望江夫子至其地、出室眺之、與齋相對、心甚喜、情愈迫、遂與同學姪宏濟、隨清溪過桐坪、披蒙茸、履蒼翠、摳衣徐走、攀蘿并登、奇石嶙峋、高者如玉、筆凌霄、低者如仙鹿逐友、時天宇澄霽、開豁呈露、左右村落、如在衽席間、煙火環生、雲樹掩映、巖水東流、蚓曲蛇蟠、繚

繞乎川原映帶乎岡阜良疇萬頃灌溉資焉巖中幽靜靈奇不
類人境雲無不香石皆可語四維峭壁鐵立如城郭仙田數畝
參差溪谷靈郊沃野不減桃源石磬高懸叩之有聲虞廷鳴韶
當不異其幽韻也水泉瀉出潺潺然如鳴鐘擊缶渺不知其所
自來於是引觴滿酌頽然而醉忽而殘照斜披波光潏潏紫荇
紅苒相掩映顧而樂之宏濟曰歸矣乎喟然歎曰是巖也扶輿
結秀境擬蓬萊天緣來游眞靈宛接因題詩於石不憚巖靈之
抑掄也徐吟而返則明月橫窗青燈在案矣遂記之

自長鋪行屈西而東復西北流二里受右江洞水三里受青布源
水四里屈金魚口過萬年橋

水屈長鋪上下一瀉平疇木橋每苦漂沒南東其畝時有淤廢
受水之利亦受其害往往然也過長鋪溪水下半里盤石束湍
水程灣曲右江洞水發源檀山交子冲土人呼爲唐源山一謂
之團圓山東流三里歷唐源洞又四里右江洞又三里從西入
注陳克正以洞之南卽舜巖矣青布源水二源一出廟冲東行
六里一出雪坑南行三里俱會於青布源又四里從西入注東
行迤北里許得金魚口岸壁斗絕湍水中貫蓋亦形似萬年橋
者當口飛架下游龍鬚橋之所移造也木架易腐清乾隆時以
改羊車嶺峽路從金盆砦行乃更造此橋吏員梁羣長有序及
於道光彭與齡輝祖父子暨陳太虛成鴻舉之屬改砌石甕善

不爲名不豎募碑工成乃大書於碑曰萬壽無疆今猶屹然於橋西端云

乾隆五十五年改路造橋吏員梁羣長序

據陳克正紀

邑之西南爲楚粵要道有羊車嶺嶙峋峭拔下臨急湍行人蹒跚攀跖稍失不測堪虞兼之龍鬚一橋施架木板春夏之交溪漲冲漂望洋興歎余佐理茲土三任有餘年矣邑境溪山經歷殆徧每逾斯嶺恆苦險巇且念木橋非久遠之計欲易以石有志未逮比戊申秋按部停輿偕諸父老散步溪頭直抵金盆砦則見玉瀑垂虹錦流拖綺龍潭可釣青嶂可樵路帶山腰佳趣饒益循溪而上達金魚口兩岸石磴雙蹲河流順軌慨然歎曰

此天造地設一橋基也勝於龍鬚倍蓰且金盆原有舊路葺之平之無改轍之勞而獲坦履之適一舉兩得計孰逾此越日議興工役僉曰唯唯於是費出募化無苛斂也雇匠鑿石無力役也橋成凡長七十尺寬二十二尺圍五十尺高二十八尺凡修路十有五里建亭一座用工二萬餘日金一千餘兩經始戊申之秋葺事庚戌之夏年將三載功在千秋乃用伐石樹碑永紀自萬年橋下行沿羊車峽二里上江洞水從南岸滴水龍下注迤西北行五里度金盆砦受錫坑水三里折而東迤北至嶺腳陳家圍村右蘆溪水從西來注又北行五里屆縣城逕南東門而過羊車峽危地也雙徑雲引一水中通州志云昔有仙客將謁九

疑羊引雲車自此升舉事同叔卿之乘鹿今按羊車峽一名羊車嶺明萬曆時縣令王元壽請設戍兵於此以制徭患爲其險要也下江洞水以經行下江洞而名導源唐家山西麓流七八里屈下江洞繞馬絡帶山至注鍾處懸崖百尺瀑布噴雪雷聲動壑土人謂之滴水龍水滴成淵不見溢出僅有餘流外注蓋伏流潛通不知究竟或曰是通嘉禾城西丙穴未得證驗也下江洞左右諸山有鐵砂礦崗清季續採道阻告停州志云馬絡帶石上隱起文字云呂公平疑爲仙筆對嶺五里茅龍山西望舜陵二妃登陟束茅爲龍御風度險俗傳荒遠姑存異說金盆砦爲元末時陳虎都保境捍患所築事詳其傳州志稱虎都瘞

金盆於水次金色隱見探之不得云錫坑水源可四五里從金盆砦南里許入注錫坑以昔曾鑿礦名也羊車峽金盆嶺之間逕隨嶺勢灣曲十餘俗名十八灣嶺陰下壓溪響上騰左擔危苦殆不可喻將度峽口右鍾流而左蘆溪形如鶴鵝俗名龍頭比之談洋王氣昔曾鑿截施以銅丁其氣遂歇風水傳訛比比皆是但構形奇鬱殊耐熟視也嶺腳當縣城西南度嶺旅宿舍也陳家圍稍在其右偏將下嶺腳得集義亭蘆溪適過其下蘆溪水源出三十六灣東流五里簸箕山有羅漢田水來會三里馬鞍山四里鐘形腳三里老鴉山繞出龍頸東入於鍾簸箕老鴉俱以形名山自陳家圍前行兩岸平疇何祇萬頃東則鳳冠

石榴諸峯西則夔峯都潔隴畝如湖村落如舟羣山如帆檣溝渠如舵過痕奧曠極矣然岸平沙脆流徙無常田被漂沒多存空糧而富陽成族占地略高不受水漲故富陽平疇乃占縣景之一陳克正曰富陽平疇宜改爲平疇遠風淵明佳什悠然有會縣治自南門至東門城根濡水州志謂城去鍾水可二三里又引舊志云東門南門爲水衝擊隆慶時增築月城今水不及城未詳其故云云由是推之縣城舊亦瀕水清同治時去水較遠今水嚙城根又非同治時比矣城之東北舊有小東門俗傳門闢多虎久塞以石而北門外有漣漣巖傳有舊井潤可千畝田極膏腴無此田者不得爲富戶井爲縣令白瓚用鐵釜罩鉏

藍山縣圖志

卷三

山川上

二十三

田乃轉瘠清光緒間劉熾役工開掘不得舊源民間或以此怨白瓚也然瓚爲藍山好官斯亦求全之毀歟

自縣城東行半里鼇山又半里塔下寺排田水自東南來注北行過錦雞石壩屆赤欄橋受都潔廟水三里稷干洞流沙河水自東來注又一里古城二里過東江

鼇山舊書院也地形似之院右石馬亦形似塔下寺廻龍山寺也傳爲唐宋古刹後建塔七級名傳芳塔遂習稱塔下寺有淨住寺觀音閣及塔下寺僧分三家勝地有清音堂霞爽閣觀瀾亭飛雲閣水心亭等名今惟觀瀾亭存亭三級上奉奎宿登望東西諸山萬峯攀天神秀無極鍾水南來排田東注城郭村郊

隴畝浩杳山看雲飛隨風成影水聽魚月無聲有聲余以志局
編纂移處其間晨夕領悟輒託嘯歌殊未能狀其萬一也天下
佳山水多矣往往深邃奇鬱託迹罕到茲寺結廬入境不遠城
市而自然安隱超以象外殆眇其匹惜乎其僻在一隅也雖然
使位於名郡大都又爲馳道車馬所囂壓矣西湖靈隱素極幽
勝爾者汽車直到寺門乃感浮薄不可游處以此悟山水真蘊
亦防外鑠人心惟危豈復可瀦排田水一曰排江或曰以下流
可泛杉排名也導源於癩子嶺濫泥塘梯山越頂爲通漿洞堡
路水從癩子嶺冲西北流至劉村右岸合四畝田冲水冲水嶺
卽白家山有雷公塘一名雷家塘深不可量是號天池其東北

口卽流注毛俊河之軍田水源也西爲四畝田冲水源流經劉
村西行得咋板嶺蚺蛇洞二澗合爲石巨冲溪水過唐家灣有
小冲水來入更西遶大田坳高瞻野人山鯉魚星諸嶺儼與天
齊再折西北流過跌死馬橋納五畝冲水遶排杉洞出龍頸受
蕉冲水徑弔樓腳西流受烏仔冲水過魚形坪受灣冲煤炭河
水卽排田口洞矣復西行繞拱背嶺出小江洞受槽碓冲乾河
口水自唐家灣至此諸小溪皆從右岸來注自乾河水下正西
過鐵爐壩一瀉至羊樓下乃折東流過中濟橋廣濟橋抵塔下
寺觀瀾亭對岸注鍾陳克正以排田水在羊樓下入鍾者非今
勢也凡排田水源流可三十里漑田可五六千畝錦雞石在寺

後里許錦雞隴畔有壩從塔下寺下泛過赤欄橋受都漑廟水
又下古城至黃泥洞引渠所經石高丈許酷似雞立雞冠已爲
牧豎所擊昌黎詩曰兒童敲火牛礪角古今同慨或曰是亦尤
物成毀有定舊名渠爲錦雞籠余易以壠比之雞鳴埭焉昔人
謂錦雞鳴石馬應亦應俗謠也都漑廟卽夔廟在夔峯下州志
誤以爲濛溪水源者也古城爲南平初遷之蹟遺垣可識今爲
雷楊彭三姓村聚水韻樹影家娛清曠古城煙樹風景可畫隔
岸稍上爲稷干洞俗作糯江洞字書無糯正作稷一曰稷江洞又下東江雷村
舊志東江夕照歲以七月望夕四處無景東江獨暉云係日躔
適以是夕從三峯石罅透照江村頃刻暉滅是其異也流沙河

藍山縣圖志

卷三

山川上

二十五

鍾燮以爲劉家河云其地爲劉禹錫謫連州所曾經陳克正云
流沙河源出長冲雷打塘塘在嶺腰石壁下寬可十畝深不可
測是多大龜綠苔滿甲千數百年物也按雷打塘卽雷公塘排田水流沙河及入毛塘俊
水之軍田河源皆出於此排田水上源四畝田冲水所出之白
家山亦卽東樓峯也鍾編輯才淺以排田水出東樓峯西麓流
沙河水指出東樓峯 水東北流五里過陳家洞七里土地壇二里
出源頭洞又八里至下隊入鍾按源頭洞以上流經地名無異
其云下隊入鍾按之今勢實過下隊里許屆稷江洞乃入注稍
東行二里是屆東江也

自東江北行三里過七里江橋一里有小溪自東入注又東北七
里雷家嶺濛溪水自西來注迤東北五里東岸中和亭下有小溪

下注又一里毛俊水自東來會

七里江橋下一里之小溪水陳克正以爲英溪水也溪水春洪夏涸今入口處有蔭神廟爲英勝廟所改因名英溪廟旁古松蟠屈大可十抱蔭可一畝昔經雷劈南枝半枯生意婆娑葉皆向上望之如虬曩時縣令劉熾圖其形狀募人培護今適當馳道過者嘉歎盤桓欲撫逾旬過之竟爲土人斧作炊薪斯可惜也濛溪水從百疊山下雷家嶺村右入鍾將至雷家嶺里許別溪并注名曰柘溪濛溪水有數源別疏之中和亭當天馬山之北麓小溪緣山倭遲下注經此北行又半里乃會毛俊水也濛溪水一作蒙溪或曰取蒙泉初達之義今觀其勢不僅蒙達

藍山縣圖志

卷三

山川上

二十六

也蓋數源匯流其形濛汜號以濛溪名副其實矣州志以都灤井泉行二三里屈赤欄橋入鍾者當之殊爲不稱舊縣志以蒙溪水發源丫髻山下經夔山與舜水合者凡舊稱舜水皆鍾水也亦卽州

志所本也

丫髻山卽三台山夔山之卽都灤井

舊志又載廖漢水在城西北十

五里至百疊山與舜水合今按廖漢水或以爲卽柳溪水或因指此爲蒙源亦不足以括之大抵濛溪水以屈雷家嶺右入鍾者爲委流然後尋其上源綜其分合庶爲得之今當分濛溪水爲上下二截從水口菴以上諸支流可別爲東西兩源濛溪水入鍾蓋由北而南故兩岸入注爲東西之勢水口菴以下諸支流亦可以東西別之北南爲經東西爲緯分疏於次俾得瞭然

濛溪東源導自牛丫嶺左右二支左支從二龍戲珠南流一里過仙聖殿得巖口井水又五里經清涼山至上下村字塔腳與右支合右支從調御菴後井行四里俱會於字塔腳五里至洞心受石盤井水又二里大梁家受水冲源水又里許至橋頭菴受楠木橋水又里許朱家坪又三里遮欄又八里經金魚塘劉景福戶至白曜洞右受蜈蚣砮巖水蜈蚣亦形似又半里左受鹽塘尾諸井水又半里右受秀泉水東南流三里岐石腳三里繞天柱峯二里屈下灣田水口菴與西源水合菴恰當二源之中也

濛溪西源導自大富頭村近之石巖亦謂之大富頭水發端洪大行二三里屈楊丙二戶與文村源水合

文村源水有二支一由屈頭冲南竹窩嶺過十三灣桐子坪來一由鳳形明明菴來俱行十數里會於蕭家涼亭一謂之木涼亭又行五里屈楊丙二戶合大富頭水

自大富頭水合文村源水後行五里至黃二十八戶右受小泉水南流二里至大封家穀米河右受北洲源水北洲源亦有二支一由毛栗坪一由尖峯嶷俱從西山東北麓發源行可六七里至合水口會又東行至顏貴林戶五里穀尾橋而入自穀尾橋行繞竹管墟三里屈紅腳涼亭一謂之虹橋涼亭右受冷口冲水冷口冲水一由黃牛塘一由牛頭坳俱會於何元

祿戶行四里成家村受冲尾金蓮菴二小溪水又東八里乃氏紅腳涼亭也

自紅腳涼亭行二里至下灣田與龍川水合龍川水亦有二支一由盡頭源受紅面冲水一由塘背源亦名塘布源俱合於龍川廟龍川廟以祀龍作納言州志載莊武龍立龍山碑於此久没又二里石鼓壩又里許轉水圍又三里倒涼亭又二里楊美洞又里許乃屈下灣田注於西源

自水口菴東西二源合流下行二里屈廖伏仁戶東得朱鳳塘水朱鳳塘水發源老鼠坪之黃龍井四里朱鳳塘二里淡山洞一謂之半山洞里許兩家亭五里乃屈廖伏仁戶來入

自廖伏仁戶行半里屈溝尾西受溝尾水溝尾一謂之豐美溪水有二源一自公白塘一自大阪頭觀下洞下陳又下過班社是名班社水屈李子榮戶又二里乃氏溝尾也或亦以此始為廖漢水

自溝尾下行里許戴星橋西岸得柳溪柳溪漢水也柳溪亦二源左支起馬尾岐一謂之北冲行五里兩江口與右支合右支從丫髻山東北麓之紫龍廟來行五里合左支東行三里豐樂橋又二里陳家圍二里牛頭灣又一里高陽樓里許栗山尾入注乃過戴星橋也

自戴星橋東行五里三灣西受魯草塘水又一里上窰頭東受巖口洞水巖口洞水二源一由雷公塘來一由蘿蔔冲來又東

流四里至花屋嶺得小溪水卽柘溪也花屋嶺者元御史雷方春故居也在百疊山東南麓又里許屆雷家嶺村右注鍾凡濛溪水長可四十六里流域幾遍大慈全鄉及城區北團鳳感鄉之秉義團一隅他水皆源小尾大獨此水上源大而下源反小溝渠分引爭灌田園可五萬餘畝分多合少厥是之故也

附編輯黃毅濛溪水說謹按濛溪名稱不惟口說紛紜卽稽舊志亦彼此參差莫衷一是茲經游陟窮源分別詳記擬以牛丫嶺水爲濛溪東源以大富頭水爲濛溪西源以柳溪等水爲濛溪支流提綱挈領俾有所宗以便敘述非敢臆斷爲是也考濛溪最長源起於牛丫嶺終於雷家嶺計水道長可四十六里其

流域占大慈鄉五分之四占城區五分之一占鳳感鄉五分之一廣袤約六百二十五方里灌田約五萬五千餘畝論溪流在藍山應列爲第三論水利應列爲第二其水紆迴平緩故沿岸少見崩潰於農事有益惟藍山舊志載濛溪水發源於丫髻山經夔山與舜水合頗有疑竇查舜水卽鍾水丫髻山水經夔山由北門洞至赤欄橋入鍾長八九里耳晴數日則涸藍志所謂濛溪卽指此然則牛丫嶺水及大富頭水相匯之大溪抑又何名或曰是乃廖漢水也但藍志又載廖漢水在城西北十五里而大溪在東北其適在西北十五里者僅有冷口水冷口水爲大溪西源之小支流不惟所指方向不合卽揆之名義亦有志

細舍大之謬若果以丫髻山水爲濛溪以冷口水爲廖漢水則東西源相匯之大溪無名可稱以灌溉五萬餘畝之大溪至於無名以易涸且小之支流特書於志此取報俗吏乞靈故紙之誤也桂陽州志載濛溪水出小陽口南流五里折東經丫髻山逕夔山北至雷嶺入鍾可十里也按小陽口卽小源也雷嶺卽雷家嶺然經丫髻山夔山之水係自赤欄橋入鍾不能云自雷嶺入鍾若以赤欄橋爲雷嶺則自夔山至赤欄橋不過五里又與入鍾可十餘里之文不符况赤欄橋斷斷乎非雷嶺也又蕭玉春批藍志謂文與濛音相近文村源卽濛溪源也然以文濛音近引爲特證亦涉於牽強綜而論之依藍志則舍本求末全

未覈實依州志則源流異趨兩不相屬依蕭批則諧音作證不免臆斷愚見以牛丫嶺水爲濛溪正源以大富頭水柳溪等爲支流此地理家首密士失比河次亞馬孫河取長舍大之例也以丫髻山水改爲夔水此舜水龍山思義命名之例也以牛丫嶺水大富頭水相匯後自廖伏仁起至雷家嶺止名爲濛溪又名爲廖漢水此長江下游又名揚子江之例也以上所述關於水道名實匪輕不可復率由舊章以訛傳訛矣

自會毛俊水江口北行三里過灘上三峯五里灘頭三里繞海田下涵江涵溪二水合流自東來注又一里東受水源宅水又一里屈詹家坊

三峯在百疊山東北隅四望蒼靄儼如筆架陳克正云昔建塔峯上人文特盛訖乎塔圯明萬曆間以塔去縣遠移建童峯清光緒甲午嘗議修復眾謂童峯塔亦舊制遂不復改繞峰前爲水家渡粵鹽步擔所經昔曾架橋石趾臥波今猶宛在徑下灘頭雷村水自縣城來皆細砂平流約溝漑田至此怒石夾岸流聲澎湃故峯曰灘上村曰灘頭矣涵江者經過上清涵廖村之水也發源臨武盧家墟東山嶺麓西行二里受段家巖水段家巖水非長流也歲大旱禱之水突湧出巖以下田可千餘畝僅得漑濟云又西流三里上田家三里上清涵又三里龍家坊受龍井水所謂龍井三潮者也四里水冲受雲溪水六里永安橋

永安橋者尹家橋也涵溪者下清涵廖村也同姓異宗故上清涵稱涵江下清涵稱涵溪以別之涵溪水經堯冲李村過寂照寺寺亦名剝有古樹根橫臥溪邊如舟斜陽映碧彷彿虹飲下經鄒村至永安橋下里許合流折東北流三里大井頭三里海田下又二里入注之水源宅水一謂之水源江出上平山西行三里過水源宅二里元山下三里紅花冲三里曹家坪又二里入焉詹家坊詹陳二姓合村也有渡焉二姓按丁輪月司舟遇有外客值日者操之若村人往來則各執篙楫以渡石岸環流樹影涵天村景極佳二姓不睦近復遭匪頽牆斷壁鐘鼓弗考是可傷也亦可戒也自灘頭至詹家坊十里間水如下峽俗亦

謂小十八灘也貨舟不通蓋卽緣此議鑿旋止其工可興說詳食貨篇

自詹家坊屈西北流一里過三重石樓四里紅石腳塔水自西來入北流七里過宣紗寺一里新村州志作星村又一里土橋墟藍溪水亦自西入

三重石樓當詹陳二姓村下關傍岸趾波叢篁引徑州志引易教諭記云百疊西障白石北峙蓋亦幽賞之域蕪穢不治今殊可惜樓北一里曹家廟泉甘如飴道旁小亭一書生所建州志載書生之言曰此亭以白雲爲屏風風雨爲垣牆本爲窮勞不駐車馬步擔得此豈不亦足蓋心存閔世也紅石腳亦村名村

後石崖戍削赧色耀天疑游赤壁村前卽侯陂渡也或謂侯陂爲漢南平治地但相傳率指新村土橋墟距此尙八里殆亦臆說塔水以經過塔水村而名然未知村以水名水以村名也源出百疊嶺西麓東流三里過塔水洞又三里繞牛形山北麓又六里過神山又三里經紅石腳村後入鍾水利引渠直灌至上全洞亦謂之全溪矣宣紗寺居紗峰之麓在新村南端里許亦傳爲南平故治地或有近之新村李族居宣紗寺土橋墟之間藍溪水導源藍嶺山卽南山嶺西麓甘溪洞西南烏子嶺流三里過甘溪村又二里塘背伏流二里石師口姑婆巖出又二里環連橋盤石村水由西北入注卽陳克正所指爲盤泉也又三里唐

家灣折而東南流有水佳洞水合廣車小溪水於甘露亭又二里經夏昌福富家壩入注土人謂之交椅嶺水又東五里八仙橋有大源井水流經熊家花祖山與白竹塘水從石涼亭井來合土人亦謂之兩口河合流二里麻梓塘又二里元山又四里乃屆八仙橋下注迤東南行二里鄧家窩一里均田三里新洋頭坦溪水入注坦溪發源玉貓砵狗仔嶺一里至坦頭對岸一灘名曰龍蟠灘亦小瀑布也北行半里轉東屆夾鏡橋是納坦泉又北行二里是納楊家江水源冲唐冲水又北三里是納魚婆冲水又一里納賀溪水又北行二里繞洪觀墟逕洋頭乃會藍溪也坦溪既合北行二里東陽橋又二里鄭家橋又二里過

三广頭又二里上陳又三里繞新村後入鍾里許乃屆土橋墟州志謂藍溪入鍾北流三里至土橋墟亦非今勢坦溪產異魚俗名風雷公歲以三四月出八九月藏長可五寸寬一寸其行如箭味極美魚婆冲產大蝦名木蝦公洋頭產鼈

自土橋墟東北流五里西岸屆下車詹家有詹溪水入注又下東岸屆社背有月溪水入注

下車詹家嘉禾屬村也村右溪水導源藍嶺山火石坪東經土地堂上逢元折南過沙砵西眼洞橫石菴納馬裊洞水共行十餘里屆詹家入鍾溪左嘉禾溪右藍山嘉禾志名之曰詹溪也社背村藍山屬溪水自石礮北流五里至月盤邱月溪所由名

也。又二里桐木林，又二里錫樓，有瀘源廟，俗亦謂之瀘溪。又謂之大山江水矣。又三里雲地墟，鋪店才二三間，市勢式微。又里許，屈社背入注，其對岸值嘉禾甫口村。

又東北流五里，過新橋頭，宋渚亭故址，有二小溪，自東南來注之。又一里油涵鋪。

州志引水經曰：鍾水又東北過宋渚亭，今嘉禾南十里有宋家山，舊云是其地也。按今勢，宋家山在嘉禾境，距油涵三里。宋家山之下二里，卽新橋頭也。大小二橋分納七水，異源同流，或分或合。上源或藍或臨，下流注鍾，乃歸嘉界。余撰嘉禾縣志，以宋渚亭當於新橋頭，二橋間荒原，求之有大石礫，臥阡沒澗，慨然

遺蹟也。

自出嘉禾油涵，行經新田、桂陽、耒陽、常寧、衡陽，屈茭源河口入湘。凡鍾水自源至委，歷七縣境，在本境行可百里，出境可四百里。毛俊水卽火田渡河也。未屈火田渡以上，有七支流，從今名次第定之曰：楓木山水曰魯田水，曰東河水，曰漕溪水，曰李子河水，曰軍田水，曰華陰水。

楓木山水發源臨武文昌坪，蓋桐柏山系也。西北流可五里，雷打石磨崖巉峭，霹靂下劈，因以名地。四里大河邊，始入縣境。兩岸積流水勢較大，因受河名。三里濫泥田，亦以土性名之。八里楓木山，林樹多楓，隱翳村落。又五里會魯田水，亦名兩江口。

魯田水發源於界頭山東麓迤北流五里大坪頭三里車線坪三里臭水五里源井三里小東有小米坳水行可七八里自東南來注又六七里五雷嶺嶺勢五峙如營壘然亦可名五壘卽大紙棚地山民取稚竹造紙廠也又七里魯田合楓木山水北流楊家洞二里大天光傳爲山民夜獵至此天曉因名其地又四里東河水自東南來注

東河水西北流七八里胡盧坳東瓜冲皆以形名之又五里當沙坪後岡里許入注沙坪唐姓村也爲毛俊水流域山戶較大者又四里馬山中流一石名以香爐石上吐煙晨昏或見旁有香神廟時聞靈異傳爲土人開墾鑿傷馬頸石煙旣熄廟祀不

顯又三里羊尾又四里十八灣陡壁臨深間不容足戟茅腐葉微聞瘴氣駢步攝心尤甚於行羊車峽金盆砦也有山勢如鷹下擊俗呼老鷹尖灣行四里劉家隔岸鄭家鄭家村之右漕溪水入焉

漕溪水發源界頭山西麓北行八里楂梨阪五里牛頭冲有牛皮河自茶山行可十里來注又五里東里源水經鍾家劉家行可四五里自東來注徭官坪水經漿洞堡行可六七里自西來注徭官坪者以理徭得名坪有石山數堆其上有巨人跡傳爲仙履也又四里唐家又五里岱下山又五里魚跳謂之魚跳者水奔懸崖高幾一仞魚跳逆水未升而墮網罟筇簿張承其旁

遂收漁利雪珙瀑練激響應谷矣又五里崩冲羣山爭趨矯首如龍俗名其嶺曰飛天龍三里屈漕溪口北流四里李子河水自東來注

李子河水發源馬金堂西行五里鵝公頸又五里犁壁面鵝頸犁面或坳或斜皆取形似又三里槽對冲與鍾源槽對冲同名俗以山峽爲槽峽洞爲冲蓋通辭也又三里栗樹下又三里李子河口一里繞接待寺後折西而東過寺前泛接待寺舊上平菴也前後際波環山攢天如窺倒井幽深寂光福地希有初實破落狐兔所叢自清季葉有李居士慈龍僧謙光及今方丈如山等募緣開山遂成叢林余以行水往返兩宿精舍遺世遇心

頓爲之移自寺前北流四里龍岡腳軍田水自南來注

軍田水一名軍田河發源水杉林有塘曰雷家塘寬可半里久晴夜靜鐘磬發音傳有古寺沈焉塘當嶺岐其西則流沙河源也東卽軍田水北行五里南岸頭三里軍田六里麻水又六里乃屈龍岡腳旁山石穴圓大如碗碗有甘泉一人掬飲輒盡更一人泉復出輪掬不竭俗云仙人打碗龍岡腳當大水源口龍岡腳以上諸水統名之曰大水源矣凡水線魯田漕溪軍田皆自南而北楓木山水自東南而西北東河李子河皆自東而西也地利畊山田畝視鍾源兩岸爲少而竹杉成林則有過之其流淺急尙少頭石故鍾水源利於灌田毛俊水源利於下筏然

大水源杉利自杉苗時賤售外客土人護養略取工值及其成材伐山大利不與山民惟資竹筍以食下竹泛流出毛俊市竹竿以十數僅易斗米生計艱矣

自受軍田河水龍岡腳北行一里屈毛俊堡墟過寺灣西嶺頭沙溪栗江頭巖頭屈大漢口華陰水自東來注

毛俊堡墟縣東二十五里一大市鎮也墟當東岸上游自大水源口廝渠下灌市街覆渠爲屋余因有句曰湫市暗通溝州志云毛俊堡舊巡檢地毛俊蓋初築堡人名也連歲匪亂廛舍多燬已漸恢復場市材用竹木器具甚盛估客趨集必旅宿焉樹皮板棚初但小架經月逾年小貿歇火資以成宅此其情勢也

寺灣在墟對岸西嶺頭稍下唐氏族處稱望寺灣舊有桂花館當路有天然石門其上有仙人仙女及馬蹏馬尾諸異迹游覽者眾桂花館林間亭閣擅名一隅民國十七年寇燬殆盡僅存古刹二柱礫蓋明時海會寺遺物也寺麓石盤中流昔未淤洲時水線直射寺山下至金鎖亭拱橋旋渦屈曲而去今非其勢矣濱水多巖穴實爲魚淵有漁翁李城隍保者善泅年七十餘時逢暑月口銜牛皮針牽繩丈許攢穴入水魚聞人氣而身呷唼捕弗滿繩而出習以爲常一日入捕窮深水澗忽見雙燈碧燄心懼而退後以蠟封火直入燭之一物盤旋雙目吐鐙駭極奔出不敢復問津矣然翁貧甚非此不活仍入穴探捕漸與物

狎諦視大可如柱長可數丈蓋烏梢蛇也今水道改易巖穴淤塞不知究竟唐謙吉述狀如此附記之以廣異聞沙溪在東岸栗江頭巖頭在西岸巖頭有石巖如卜玦之半下有小廟因名八卦廟又一巖曰師子巖亦形似相傳巖有懸匱今不見矣自楓木山水以下諸支流合注至大水源口龍岡腳洞畝率狹邪如梯草木富竹杉次則桐茶野物時見馬鹿虎豹屈毛俊墟始兩岸平衍農田占饒沃然漲沒成石田者歲常有告也毛俊北行五里大漢口華陰水自東來注

華陰水一名潔流水方輿紀要云華陰水在臨武縣南源出華陰山以嶺勢高秀有如華嶽故受名也源分三岐一西北流爲

貝水經臨武縣西南合於武水武水山海經所謂肆水也一南流入廣東連州合樂昌水一西流出藍山縣合於舜水舜水卽鍾水也以今勢求之水源自華陰山西麓行可三四里屈朱河鋪受小溪水入縣境五里雁山三里大樹腳三里紅涼亭七里田心鋪鳳感鄉梧桐岡書院在焉華陰水俗謂之鳳水以附近華陰山有鳳形嶺也或曰清康熙時吳三桂敗部下有鳳將軍者匿居圓通寺近在新墟廢旋被按捕走竄山谷縊於鳳形嶺則未知鳳水以嶺形名以將軍名矣四里麥田三里石尾壩二里大漢口入毛俊水也尋華陰水源委行三十五里入境沿岸灌田尙少峻峽州志云華陰水出臨武華陰山一名桐柏水東西分

流此其西源又分西源爲左右二源以華陰水爲左源毛俊溪爲右源謂左源流遠可十餘里故專華陰之名今按桐柏水以山得名乃東河水源非華陰水地也其云左源流遠可十餘里今按華陰水自源至委才三十餘里毛俊水源從楓木山水起至毛俊墟可五十餘里至大漢口可六十里固長於華陰水也州志於毛俊水僅以毛俊一溪括之宜其於毛俊以上諸遠源皆不之及矣一按陳克正以毛俊水爲歸水云歸水之源有三壁高聳石泉激射瀑布而下東北流九里牛皮河東來三步西來又北經牛頭冲又東北至漿洞堡爲宋慶曆時提點楊畋爲崗徭唐和之所敗二十里嘉靖間知縣呂文緯以地險要設鎮南堡戍兵守之又二里明至下麻塘五里至毛俊合大水源其一爲大河源出小田水過桃油坪又北流十里至天鵝山二十餘里至兩河口合魯田水過桃油坪又北流十里至毛俊其

藍山縣圖志

卷三

山川上

三十九

一爲華陰水又名桐柏水出臨武坳頭東北流四里至朱河鋪入境東流七里雁山關溪水南來折西經石尾壩合毛俊水其說州志加詳按之勢亦多合者而以之當歸水若據齊召南水道提綱指歸水源出杞林峯乃爲九疑之一峯則失之遠矣

自大漢口北行二里屈火田渡墟二里井灣鍾水自南來會井灣斜對厥爲江口

州志曰華陰水屈中和村注鍾今無其村火田渡墟對岸天馬山之西麓有中和亭爲舊中和墟址當是其地天馬山地脈氣玉傳爲吉壤有天子岡之稱流俗譌矣火田渡舊有渡舟既架橋則舟廢然橋爲漲漂時以舟濟縣人陳克明火田修渡頌州志載之渡橋今爲縣築馳道之要衝橋工浩穰譬彼壑舟負在

大力矣

陳克明火田修渡頌

惟南平奧區山谷重關川通自山涂出於川桐柏華陰其體東
蟠四達所湊咸會火田山泉如膏如鹿如貍水耨火耕萬利興
焉惟俊入華竭冬盈春東西之涂午貫是間激流波蕩行路澀
難自昔造橋莫知其年徒杠輿梁歲亦有新然逢墟集擔負摩
肩橋道危隘渡者競前行則遮礙偏則隊湍止則謹叫千口譟
誼中遭排推隕命流泉槍礪兢兢若失木蟻足盡汗出履尾心
寒弱者楚怨强者搏搏市不及期婦子謫言行旅車馬塞難糾
紛坐觀其害鄉里之患乃有仁智巨室先生深惟利濟中孚同

藍山縣圖志

卷三

山川上

四十

人伐木東山下水作船招招舟子計直受田分道水陸各從安
便行歌載塗與棹答聞瀾淪更清日月宴閒高山之徭花版築
槩來游來觀懷我新歡爲君作銘天馬之西來者繼功共有稱
傳於時大清道光卅年銘者陳氏克明其名厥字鑑潭作此頌
文

深水未屆大橋堡以上有三源一曰沙子嶺水一曰源頭水俱南
行一曰大溪源稍東行而皆合會於小目口

州志曰深水出自南風坳西南流屆小目口引水經曰深水出
桂陽盧聚漢時桂陽縣今連縣地大橋近連界古今可通而以
旁多雷族謂爲盧雷音轉陳克正則以爲山多鹿聚盧鹿聲近

是皆傳會、攷漢書地理志、縣下多稱某聚、

如育宛陽縣下注有南

類聚之

聚猶村落、盧聚或是當日盧姓所居、今沙子嶺西杉皮冲、

尚有盧姓數家、號爲古戶、無庸訟議矣、按其源實有三派、中爲沙子嶺源、出其嶺西、經魚口尾、行可六七里、至小目口、與源頭水會、源頭水在其左、源發源頭山、經大嶺、腳行可十里來會、右爲大溪源、發源皮冲、經狗婁形、李家行可十五里、稍在中左、二源已合之下、乃會、水勢中源小、左源較大、右源又稍大於左源、小目口村、適當三源之東也、

自小目口南行、半里過龍家屋地、白雲菴、又一里屆大橋堡、有黃沙源水、自西來注之、

藍山縣圖志

卷三

山川上

四十一

白雲菴一名萬興菴、當水東岸、有明桂王手書護國禪林扁額、疑是永曆敗走廣西、間道過此矣、大橋堡距縣六十里、西南一重鎮也、舊有巡檢把總、同駐於堡、自經裁撤、入民國而官廨地、址盡售於民、堡有數姓、王氏早來、堡爲所築、今亦蕩然、水流舊由堡後山麓繞行、今當其前、比歲多盜、堡後山頂及前溪之濱、築兩礮臺、居人黃佳采等之所告勞也、濱溪臺尤壯麗、五層疊架、周以磚石、中如海舶、可容千人、器具完備、守不致困、登陟四覽、徭疆粵嶠、連山接雲、佳采挽余作碑記、媿無雄文、壯我河山矣、堡之北偏有水樓遺址、明季黃王陳杜鄒五戶、男女六百餘口、被匪同死處也、乘晚憑弔、沙草淒然、黃沙源徭地也、水自香

粉廠經婆婆袋行可十里大橋堡稍下西岸入注州志云小目口又西五里屈沙嶺得沙嶺泉今按沙嶺卽沙子嶺在小目口上數里則不知沙嶺泉爲何指矣又云又西北十里過大橋司舜源水自西南來注之小目口至大橋才二里且南行非北行也又以舜源水爲卽發源舜源峰下入瀟之水亦絕非今勢殆誤以黃沙源水爲舜源歟謹不取

又南行二里過大橋墟澄壘源水自東岸入又二里屈楊家蔭白龜源水自西岸入

大橋墟一名護龍墟短棚支離形制甚陋然毗近粵東與連縣互市蕨粉薏苡黃精茯苓厚樸之屬徭產稱盛歲以八九月間

畜鴨陳市鴨以棚分每棚千數百頭凡數十棚鴨聲噪天連人率販以去雖曰利市哀我眾生其傷實多矣澄壘源一作沈李源水從黑石腳經謝家坳行可八里繞老墟坪南偏入焉謂之老墟坪者今墟坪稍移於舊墟坪之北也楊家蔭州志作楊家崦在東岸爲楊氏村居有二礮臺制略埒大橋堡徒以匪故征繕敵樓力亦竭矣楊家蔭之對岸右上白龜源一作白桂源亦徭地也導源岱山經馮家繞臘樹原行可十二里乃入將入口三里許是爲楊士樑之畊雲山莊水石竹木清奇可隱自墟坪以下約水舂碓自然利益水產異魚四足若犬上岸覓食漁人偶獲大十餘斤或二三斤不等是名狗魚粵人賈之常居奇貨

澄壘源白龜源二水州志皆未涉及

自白龜源水口稍折而西南行二里受茅栗山水又二里屆牛皮嶺受撫雪水

茅栗山水導源蛇嶺經鍾家張家行六七里來入撫雪水

陳克正作

白溪源水導源觀音菴過張家行可四五里來入俱當東岸二水間

之對岸有山五岐冠頂狀如五指撐天土名五出火星出產馬鹿時出見之

自牛皮嶺迤東行折西仍南行三里屆牛塘口二里許全家砦有石王頭水自東入注稍西行四里楊柳灣又三里界牌坳流入江華境經道縣達瀟水以入於湘

藍山縣圖志

卷三

山川上

四十三

深水導源由北而南至牛皮嶺爲嶺麓所束成一大灣迤西而東勢如鉤連乃復南行至牛塘口屆全家砦受石王頭支流稍西行楊柳灣以此受名矣全家砦以居人築險避亂而名牛塘口在西岸全家砦楊柳灣在東岸界牌坳在西岸過界牌坳三里冷飯灘始通舟楫曩時江華人王德榜方伯議輸金興工役開鑿冷飯灘以上至大橋諸灘險溝通江藍航路縣人或慮其侵略攬利事未諧也今或惜之凡深水去源不十里水勢卽澄泛以此受深名所過溝渠高低田畝悉資灌溉雖卵石蹙波而無高崖懸瀑故易鑿疏自源頭行至界牌坳可三十里經江華道州行可三百里乃達瀟水也

陳克正深源記

深源有二一出大鼓源一出朱鼓冲各八九里會於鵝頸又東流三里過大溪源土田平衍民風古樸花明柳暗別有洞天第田多砂礫犁鋤歲換入夏分秧手足擦鈍有類叔敖寢邱矣又二里至列躍洞折南流三里出鴨婆瀧會小口水按此蓋以大溪源水為深水其取名深水者黃沙源山勢由盧聚分支繞東南行而出大橋堡左山逼近鴨婆瀧不得行徑凡大溪源周圍數十里山川概行遮掩有如桃源谷口無處問津深水名義蓋取諸此王壬秋孝廉州志於深水未經詳查又將舜源水拉雜牽混未可據為典要也

雷飛鵬大橋堡礮樓碑

大橋堡為藍山錦藍團駐在地當縣治西南六十里地勢自昔為重明以來設巡檢把總各一以填之外控粵邊內輯莫徭清廢官汛綏以民治風氣日闢文化蒸蒸編戶恬熙晏然歲月且視為桃源田宅不復知有秦漢矣自入民國宵人林金勝劉玉甫吳亞江關兆廷唐金玉之屬嘯聚西山時出擄掠繼以粵寇駱瑞祺鄧石喜輩巢穴毗連朮肉團民莫敢誰何豺狼入室罹苦噬臍毀室風雨歎甚鴟鴞堡民扶老攜幼竄避林箐或逃居城郭離棄鄉井士輟鼓篋農罷畊牧工商不得居肆美宅繡壤漸叢荆棘我有庭除弗洒弗掃榛苓之什所由傷四裔之交侵

也環堡故有數姓他姓頗感式微黃姓力能自衛而敝於渙散苦於無備嬰賊之害乃遂愈烈於是黃君佳采等憂憤決起號於眾曰吾輩生長於斯衣食於斯長子孫於斯可長此一聽彼賊之府庫我堡乎賊來而避之不及燒屋殺人相隨續於計得乎願募築礮樓矢與賊敵示形勢爲不可侮眾曰可遂相堡前深水西畔爲樓基興役於十三年甲子夏迄冬告成樓高五丈周市二十餘丈爲層五一層井泉爐竈倉廩瘡溷具備二層居婦女三層丁壯男子四五層度藏什物穴牆以射外四角弔樓以射下防隧道之掘牆基者濱深水築短垣垣外平疇接引置活橋以通出入又於堡後山上別築一臺遙爲掩護費六七千

金礮樓成後當十七年戊辰之春陳光保寇縣錦藍團數被焚劫圍攻堡樓數日不克破引去堡人咸曰故云幸也亦斯樓之功也或曰山田蕭家防匪亦築礮樓以設備不周爲賊所破受禍深巨礮樓未易言也二十年辛未春三月余以行水至舜鄉所見礮樓若下洞盤家楊家蔭等處皆是或新築或築自前明大抵深山窮谷徭粵雜處之鄉在篳路藍縷以啟山林時與豺虎盜賊爭利害決安危築城鑿池如防敵國然亦處於勢所不得不爾也余嘉佳采君之偉畫暨堡人之一乃心力徇其請而爲泐石之文若曰痛創在目是不可諉也爲一義祝此後永久泰平俾敵樓放閑足享清娛之風景也又爲一義迺系以銘

銘曰、都嶠西麓深源濫觴大橋立堡徭粵乃疆南平之屏以作
以荒時屯設險事定或忘自頃遘亂山川藪疾魑魅禦人不寒
而慄孰寧我民孰奠我室大難當前避之則吉堡民曰嘻是安
可苟父老奮興矢殄羣醜巍巍敵樓相聚以守氣壓櫓槍心齊
刁斗抗山欲流形勢得全有鴟萃止雖危而安掃夷蠻瘴平砥
邊關人和地利有恃而堅介忠胄信心兵常勝毋謂阻險須策
後勁毋狃和平尙思痛定敢告堡人眾志常競

西山徭永和團諸支流

凡永和團諸小水發源本境而由境外入深者別有四支

一大冲河導源於平河行十五里至大冲河入深

藍山縣圖志

卷三

山川上

四十六

一中河水導源於八仙下棋二十里過平冲十五里過十里冲
十三里過白口六里過東栗漕出藍山境至江華錦田城邊入
深此支流域可五六十里水味清甘

一後河水導源弔竿冲十六里至水雞鴨出藍山境至江華之
龍灣與中河水合

一林江河亦導源於八仙下棋及青山牌自八仙下棋出者十
五里荆竹源十一里過下公冲五里過荆竹八里過沙羅道十
五里過林江仔口五里過毛栗漕出藍山境自青山牌出者又
分二支一大灣河經長冲源凡行十餘里屈艾公冲與林公河
合一林江源經香草冲凡行二十里至林江仔口合二支既合

行至江華屬之林江河口，乃入於深也。

大慈鄉不由鍾水經流出境諸支派

凡縣境諸支流，或入深水。

有由本境入者，有由境外入者，具前說。

或入毛俊水，以達

於鍾，或直達鍾，率不外此。而大慈鄉水，乃惟濛溪達鍾，其餘流出寧遠者，尙有數支。

一梓林源水，導源於梓林峯，北流十餘里，屆大水坪之梓木橋，分爲南北兩歧。南流者，經白鳴洞，以匯濛溪水者也。其北流者，經潘溪宅頭，至馬組，砮腳，伏流里許，由梁永海戶之透水巖出，循桃源腹氏大和塘，與冷水井水會。

一冷水井水，導源於楠木橋之大源脣，初源卽大灌田，可千餘畝。西北流，經東路源，至牛頭灣，與龍泉洞水會。行屆大和塘，合梓林源水，至路橋巖，伏流數里，乃出螃蟹江。

一蛟龍井水，導源於牛丫嶺腳之倒角牛村，源勢不亞於冷水井，亦可灌田千餘畝。西北流，屆塘頭源村前，與盤石墟水會。經行大井頭，平石頭諸村，流入寧遠之冷水鋪水。

一小源水，導源於茶盤坳，北流五里，屆犁頭嘴，折西流四里，過老屋地，又西北流二里，經早禾洞，又二里，氏千金窩，出寧遠境，注於大源。

一大源水，導源於雞仔冲，北流三里，金竹坪，又五里，繞欖腳嶺，折西流二里，野牛塘，又二里，下灣寺，折西北流三里，經盤王廟。

至毛竹冲又三里經大坪出寧遠境北流七里受小源水又北
 二里氏寧藍墟受老漣源水又二里過淳風亭西旋出境
 一老漣源水一自下龔家西北流一自界頭冲西流各三里許
 至水樓腳會又西五里繞黃土嶺又二里氏寧藍墟注於大源
 一地寶坪水導源於石壩頭西流五里經地寶坪又里許大橋
 腳又二里新鋪上又里許西出寧遠境

水表

毛俊水所納	鍾水所納	鍾水所納	深	西山	大慈鄉
支流一	二	支流	所納	徭出	境
楓木山水	橙子冲水	長鋪水	沙子嶺水	大冲河	梓林源水
<small>納支流</small>	<small>支流一</small>	<small>二</small>	<small>支流</small>	<small>境支流</small>	<small>境支流</small>
魯田水	大山水	右江洞水	源頭水	中河水	冷水井水
藍山縣圖志	卷三	山川上	四十八		
東河水	雷梅水	青布源水	大溪源	後河水	蛟龍井水
漕溪水	小平原水	上江洞水	<small>三水合於小目</small>	林江河	小源水
李子河水	<small>四水屬東源</small>	錫坑水	口	俱從西山	大源水
軍田水	狹源水	蘆溪水	黃沙源水	徭永團	老漣源水
華陰水	沙子嶺水	排田水	澄壘源水	發源	地寶坪水
<small>俱入毛</small>	盤溪水	都潔廟水	白龜源水	繞境	
<small>俊水屈</small>	上尾菜水	流沙河	茅栗山水	外以	俱繞
<small>江口以</small>	官里源水	英溪水	撫雪水	入於	寧遠境
<small>合於鍾</small>	大古源水	濛溪水	石王頭水	深	
	羅家洞水	毛自俊水下合	俱入深		

長干源水

涵江水

八水屬
西源二

水源宅水

源合於
廖家莊

塔水

紫梁源水

藍溪水

高粱源水

詹溪水

仙姑巖水

月溪水

白水

涵溪水

舜巖水

俱入
於鍾

藍山縣圖志

卷三

山川上

四十九

巖表

舜鄉

大慈鄉

在城鄉

南平鄉

鳳

感

鄉

舜巖

在巖口洞石窟嵌二巖字

觀音巖

原名內仙

西峯巖

在石佛源身宅高中

內石有旗石帳石榻及仙人字

觀音石像

蓮三丈巖大內可絕頂抱石

巖口

菩薩羅漢及猛有

下棋石異穴壁上達九疑一見水洞

石礮巖

田口如礮灌

巖口

菩薩羅漢及猛有

湖而人出陳太虛有鍾舜巖

田口如礮灌

百獸人前狀避亂於

巖口

菩薩羅漢及猛有

記崗

田口如礮灌

此巖百餘畝瀉灌

巖口

菩薩羅漢及猛有

玉磬巖

如舜擊巖之聲內懸石

仙巖

來在仙女礮祈飛

段家巖

出歲流早溢水湧

肥魚巖

三寧溪所城東門外

石巖

泉砂忽涸忽巖

錦屏巖

有壁石人數石室中

能入穀雨霜降二節

石巖

百禱巖甚可容數

錦屏巖

有壁石人數石室中

藍山縣圖志

卷三

山川上 附巖表

一

以上舜鄉

官頭巖

寬可容千餘人賊者有

犀牛相傳內李有

藍田

下水樓深丈許橋

恆入焉敢攻門安

勁陀指佛痕宛然蒼

尾內有豬石田相如龍

藍田

下水樓深丈許橋

三砮巖

極在劉景福洞竅石複鐘雜

聲為仙然曲折高下泉

藍田

下水樓深丈許橋

如鈴雷飛鵬改圓石曜巖然

莫測其有清深泉黑

巖如樓閣上方有春石刻

藍田

下水樓深丈許橋

禹公巖

在藍嶺下石室空為壑

巖如樓閣上方有春石刻

藍田

下水樓深丈許橋

鄧禹巖

居皆鄧姓相傳為壑

巖如樓閣上方有春石刻

藍田

下水樓深丈許橋

以上大慈鄉

滴水巖

在觀音亭北來許巖有

巖如樓閣上方有春石刻

藍田

下水樓深丈許橋

丈端成一由大瀑布瀉下高之可水十

人

巖如樓閣上方有春石刻

藍田

下水樓深丈許橋

文端成一由大瀑布瀉下高之可水十

人

巖如樓閣上方有春石刻

藍田

下水樓深丈許橋

小部流入鍾出大半入
巖伏分不入知處入
巖在城下北相三里許
巖中三瀉台

出泉水甚巨北門外洞皆
仰其灌漑傳為白令所封
因是

以上在城鄉

隱巖年在上平山有李逢
鵬序有雷飛序

藍山縣圖志

卷三

山川上 附巖表

一一

泉井表

大在 慈城 鄉

舜南 平

鳳 感 鄉

聖泉 人在縣南九里足供一

龍泉 在石穴中以石日投

龍井 旱晝三雨輒歲

北井 在樓下今廢

則數不試之

應千畝田

方井 通在南門內

月溪井 如吐珠沫

曹頭下井 數灌百田

大井 在江邊今廢

馬鞍泉 田在數百畝

將軍嶺井 百灌畝田

漂溢泉 今在無江中

犀牛角 田在數百畝

道化井 餘灌畝田百

乳泉 許在城都三井里

大泉井 田在千畝

雷公井 上在洞高富

芙蓉井 水在極清腴

槐花井 溢在社背數百畝愈

將軍嶺井 百灌畝田

藍山縣圖志

卷三

山川上 附泉井表

一

都潔井 廟在前夔

礮泉 二在千餘畝田

湯鬪井 上在洞高富

前排井 旱在鳳冠山水後壇

太平井 校一舍在前田一四在

墜下井 上在洞富平

古城井 供水不溢不家竭汲

朱源井 人在坦溪如道茶亭

木家嶺井 三灌十田

龍潭 禱在雨榴花驗今無水旱

寧壽井 田在千餘畝後數

花背井 村在灌枸田木

以上在城鄉

日年突必出落雨水也一二

畝

秀泉 在白石曜洞春冬退晶漲瑩

大陂下井 在溪在村梅

花背井 村在灌枸田木

黃龍吐水井 田在數劉十景福灌

七姑井 在溪在村梅

楊梅山井 共二十七

新廟井 在十畝又富有頭四方井數

水源大井 上在游梅水清而之

畝井歲旱則豐

破古十井畝亦灌

千大灌田

畝井歲旱則豐

田破古十井畝亦灌

千大灌田

畝井歲旱則豐

油榨井 百在 楂入 梨鋪 遠灌 冷田 水數

石川廟井 田在 數畝 十背 畝灌

雙連井 田在 數畝 十背 畝灌

透水巖 田在 五五 百腳 餘亭 畝灌

滴水井 田在 數鐵 十保 畝嶺 灌

龍泉井 田在 數桃 十源 畝腹 灌

五畝井 田在 數灣 十子 畝裏 灌

水口井 田在 百總 餘管 畝廟 灌

小泉 石在 穴黃 湧二 出十 共八 有數 處由

皆清流 出冽者 異俗稱 并有蚌 殼從石

藍山縣圖志

卷三

山川上 附泉井表

二

魚漣冲井 冲凡 三在 西走 田馬

三百畝

鄭家井 灌在 田上 百鄭 畝家

三广頭井 長凡 三年 清均

坦泉 中在 湧出 溪由 灌平 數坦 百地

畝

梅花井 溪在 村梅

以上南平鄉

青草塘井 過在 客大 解道 渴旁 飲供

之不可 灌腹脹 田

收

壇山脚井 三灌 十田

畝餘

圈井 灌在 田高 八富 十洞

畝餘

花被井 山在 灌下 田坪

四百餘畝

荒家洞井 坪在 山下

灌田 十餘畝

馬鞍井

圓井

以上二 江溪洞 灌井在

百餘畝

薛家井 裡在 灌太 田平

數十畝

洋田井 十灌 餘田 畝三

寺灣井 十灌 畝田 數

龍泉井 百灌 餘田 畝四

銅鑼田井 百灌 畝田 數

藍山諸 井最

白公塘井 脚在 味楓 木鋪 團房

數百畝 旱無憂 水

兩頭井 田在 數黃 十家 灣灌

歐家源井 灌在 田牛 十軋 餘嶺 畝脚

蛟龍井 灌在 田倒 百角 餘牛 畝村 右

冷水井 下在 灌冷 田水 百井 餘涼 畝亭

以上大慈鄉

以上舜鄉

極好

井水塘井 田在 百水 餘樓 畝脚 灌

冷水塘井 田在 百彭 餘家 畝圍 灌

水亭閣井 田在 數團 百圓 畝洞 灌

竹溪泉 以在 灌軍 田屯 可

小目口井 施灌 肥田 百禾 畝苗 不

極好

志卷三 山川篇上 附泉井表終

田洞表

大慈鄉上

大慈鄉下 鳳感鄉

南在 平城鄉

大五壩之在城
中北中尚義四團

茅彎壩 十田七畝

源頭洞 百中田餘畝四

千餘畝 易旱

龍穴壩 十田五畝

早禾洞 百中田畝四

白米洞之在城
中北中上尚義二團

犀牛壩 十田六畝

桅杆嶺 百中田畝五

千餘畝

大壩 二田十一畝百

蕭家山 百上田餘畝五

淡山洞 千上中田餘畝

二壩 八田七畝十

西埠洞 百上田餘畝六

桃源壩後洞 數上
百下畝田

三壩 八田十畝

嶺腳坪 百中田餘畝二

廖伏仁洞 數上
百下畝田

榨油洞 八田十一畝百

稔干洞 百上田餘畝三

美干洞 百下畝
易旱數

鐵鑪頭 一田十一畝百

花果園 百上田畝九

藍山縣圖志

卷三

山川上 附田洞表

一

石米洞 三上中田畝

破塘洞 八田十三畝百

井背洞 百上田餘畝二

橋下洞 百上中田畝二

黃家洞 百田畝四

下隊洞 五中田畝二百

上丰頭洞 下上中田畝

兩江口 百田畝五

牛巷嶺 二中田畝三百

共二百畝

糖田洞 百田畝三

陳家洞 百下田餘畝二

風村嶺洞 四上中田畝

太平洞 八田十一畝百

芹菜塘 餘下田畝百

冷口村洞 千上中田畝

昌芙洞 百田畝五

塔下洞 餘下田畝二百

北洲源洞 千南中田畝

白竹洞 八田十二畝百

中洞 餘下田畝二百

千餘畝 中田

界頭洞 二田十三畝百

赤欄橋

總管廟洞 餘下中田畝

文村源 百田畝二

黃家岡

三美堂洞 二上中田畝

沙塘洞 畝田百

鳳形灣

小水洞 中田藍寧數百畝間上	砥背前後洞 百上畝中田	石壩頭前後洞 二上畝中田	冬茅山洞 數上畝中田	源口洞 三上畝中田	大基嗣嶺下洞 百上畝中田	陳木洞 七上畝中田	田易旱下洞 中田共千餘畝上	落陣廟祠堂墟洞 下上畝中田	樟木洞 千上畝中田	藍山縣圖志 卷三	俱以上二灌一洞	金魚塘劉景福洞 田中百下	荷葉塘洞 百前畝後上中田	蔣家洞 千上畝中田二	黃二十八後洞 二上畝中田	黃二十八前洞 二上畝中田	白曜洞歧石坊洞 田中數中			
涵以江上灌四漑	樓下洞 畝上中下上田二百	栗山洞 五上畝中田	早禾洞 四上畝中田	龍家坊洞 八上畝中田	神邊洞 畝上中龍井灌千漑	清涵洞 畝上中龍井灌千漑	及段家漑	漁家洞 畝上中前頭二百	山川上 附田洞表	以上大慈鄉	許家洞 十畝餘三百九	三塘洞 畝餘五百	田心洞 畝餘五百	車頭洞 十畝餘三百二	藍后洞 十畝餘二百八	甘溪洞 十畝餘三百五	上下村 百畝三百	梅菴洞 五畝十一百	到印洞 百畝三百	
麻子冲 十田畝數	沙園 十田畝數	大者半估	水畝灌其地質肥千	等處皆賴心錦雞壩	大坪洞 心至黃泥新	後場以竹山背洞	從赤欄起而經黃	洞心	牛路溝	大坪	黃泥洞	圍腹田	城門下	新圍場	竹山背	後面洞	雞屎田	亂園地	車田洞	沙田洞
										二										

地寶坪東堂脚洞
寧在之藍

間上下田
千餘畝

貓仔冲黄土嶺洞
寧在之藍

間上中田
數百畝

源口洞
十田百二

大洞裏洞
六田十二畝

坦下洞
十田五畝

大洞上
七田十二畝

旱壇洞
畝田百

麻面洞
五田十一畝

藍山縣圖志

卷三

山川上 附田洞表

三

烏雲砦洞
五上中畝田

栗橋洞
六上中畝田

鄒家洞
八上中畝田

山下洞
畝上下田二百

畝百

及以上四洞涵溪

犁耙菴洞
五上中畝田

下樅山洞
三下上畝田

易家灣洞
三上中畝田

上坪山洞
四下中畝田

張溪洞
四下中畝田

井以上五洞

上源洞
畝上下田二百

冲二百餘畝

下源洞
畝上下田四百

田心洞
千餘中畝田

南灣洞
數十畝田

水以上二洞華陰

水源洞
四中畝田

石虎塘洞
六中畝田

下門洞
餘田百畝

西冲洞
十田數畝

龍泉塘
十田數畝

四畝冲洞
餘田百畝

南蛇洞
餘田百畝

癩子嶺洞
餘田二百畝

唐家灣洞
餘田百畝

排沙洞
百田二畝

大磗洞
餘田五十畝

排田口洞
餘田二百畝

六畝冲洞
餘田四十畝

上小江洞
餘田三百畝

下小江洞
餘田二百畝

羊樓下洞
餘田二百畝

黃田洞
餘田三百畝

白禾倉洞
餘田四百畝

南風洞
餘田百畝

鴨漣洞
餘田二百畝

崔家洞
餘田三百畝

矮嶺頭
餘田二百畝

新壩洞
五田十一畝

油榨洞
畝田百

落陣洞
九田十三畝

木村洞
百田三畝

枇杷岡
十田七畝

水樓脚洞
五田十一畝

東巖觀
畝四百

鴨漣洞
五田十二畝

三連洞
十田九畝

杉木冲
五田二十畝

墟下洞 四田 十四 畝百	墟頭坪 十田 畝四	藕塘洞 三田 十四 畝百	黃家灣洞 十田 畝五	白水洞 十田 畝五	石爻洞 十田 畝三	毛家冲 一田 畝七 十	隔洞 十田 畝四	七畝塘 十田 畝六	涼亭冲 九田 畝五 十	藍山縣圖志	小源冲 十田 畝五	牛灣冲 七田 畝五 十	唐家洞 三田 十四 畝百	高岡脚 畝田 十	大井冲 十田 畝四	連皮洞 七田 十二 畝百	豬婁井 畝田 百	楊柳井 十田 畝五	百步洞 七田 畝五 十	石城洞 二田 畝七 十
										卷三										
										山川上										
十里下洞 百下 畝中 田	英溪洞 百上 畝下 田	花屋洞 數下 十下 畝田	大腹洞 數下 十中 畝田	下潔冲洞 數下 十中 畝田	餘田 畝百	上潔冲洞 十下 畝上 下田 數	花井冲 數下 十中 畝田	竹菌頭洞 百下 餘上 畝田	蘿葡冲洞 數下 十上 畝田	附田洞表	巖口洞 三中 百下 畝田	龍泉塘洞 餘下 畝上 下田 百	石冲壩洞 百上 餘下 畝田 四	早禾菴洞 數下 十中 畝田	大樹脚洞 百中 餘中 畝田 四	關塘後洞 餘下 畝中 易田 旱百	灌華 溉陰 水	五都麥田洞 九上 百中 畝田	及以上 壩上 二洞 灌溉 井水	
八溪洞 畝田 千	牛塘腹 餘田 畝百	台岡頭 餘田 畝百	簑衣冲 餘田 畝百	丫口腹 餘田 畝二 百	羅家冲 餘田 畝百	赤潔洞 餘田 畝八 百	五里洞 百田 餘三 畝千 五	六畝洞 餘田 畝四 百	城圍洞 餘田 畝二 百	四	高陽洞 餘田 畝百	麻坪洞 餘田 畝百	沙干背洞 餘田 畝二 百	藍注冲洞 餘田 畝二 百	新壩頭洞 餘田 畝三 百	灣福洞 餘田 畝百	圍福洞 餘田 畝百	大福鎮洞 餘田 畝二 百	棘冲洞 餘田 畝八 十	牛伺巷洞 餘田 畝百

<p>藍山縣圖志</p> <p>卷三</p>	<p>長田鋪 十田 畝七</p> <p>壙坡脚 畝田 百</p> <p>弔架樹脚 十田 畝三</p> <p>大井冲 十田 畝二</p> <p>瓦廠脚 十田 畝三</p> <p>毛岡頭 十田 畝二</p> <p>八畝洞 百田 畝三</p> <p>沙蟲井 十田 畝五</p> <p>廟門口 十田 畝六</p> <p>牛屎塘 十田 畝九</p> <p>大壩頭下洞 十由 畝五</p> <p>長溪冲 十田 畝三</p> <p>豬婆岐 二田 畝百</p> <p>油村洞 百田 畝六</p> <p>九畝洞 二田 畝十一</p> <p>蕭家門口洞 百田 畝一</p> <p>鳥子窩 三田 畝十一</p> <p>高岸頭 十田 畝九</p> <p>潘家洞 百田 畝四</p> <p>赤脚尾 三田 畝十一</p>
<p>山川上</p> <p>附田洞表</p>	<p>江口洞 百下 畝餘上 二</p> <p>排下洞 百上 畝餘中 三</p> <p>溪林洞 數下 畝十 中 畝田</p> <p>以上水灌四洞俱</p> <p>楊梅山洞 百上 畝餘下 三</p> <p>舟洞 百上 畝餘中 三</p> <p>苗昌嶺洞 數下 畝十 上 畝田</p> <p>灘頭洞 數下 畝十 中 畝田</p> <p>水家渡洞 數下 畝十 中 畝田</p>
<p>五</p> <p>以上在城鄉</p>	<p>凌騰洞 百上 畝餘下 二</p> <p>寺門首洞 百上 畝餘中 四 百中 畝田</p> <p>下陳洞 百上 畝餘中 畝田</p> <p>執洋洞 二下 畝百上 畝田</p> <p>埠頭洞 百上 畝餘中 畝田</p> <p>執田洞 百上 畝餘中 畝田</p> <p>灣田洞 百上 畝餘中 畝田</p> <p>以上水灌七洞俱</p> <p>元山洞 百下 畝餘上 六</p> <p>洋頭洞 百上 畝餘中 畝田 三</p>

長田鋪 十田 畝七

壙坡脚 畝田 百

弔架樹脚 十田 畝三

大井冲 十田 畝二

瓦廠脚 十田 畝三

毛岡頭 十田 畝二

八畝洞 百田 畝三

沙蟲井 十田 畝五

廟門口 十田 畝六

牛屎塘 十田 畝九

小江洞 數下 畝十 中 畝田

冲以上水灌三洞

六甲洞 百上 畝餘中 三

八甲洞 中上 畝中 千餘畝

逆流洞 百上 畝中 田

上盆洞 百上 畝餘中 二

羅家洞 百上 畝餘中 五

以上水灌五洞俱

山灣壩 畝中 魯下 草田 塘數 水十

樓下洞 二田 畝百一 畝千

大洞 四田 畝百一 畝千

東側洞 二田 畝十四 畝百

腊樹冲 九田 畝十三 畝百

西嶺洞 百田 畝二

牛承洞 百田 畝三

樟桂洞 百田 畝二

小溪洞 五田 畝十三 畝百

寄山洞 百田 畝三

<table border="1"> <tr> <td>毛栗嶺</td> <td>蛟源裡</td> <td>赤足爻</td> <td>下美洞</td> <td>下巖口</td> <td>桃園上下二洞</td> <td>背山洞</td> <td>廟背洞</td> <td>吳家洞</td> <td>石壩洞</td> </tr> <tr> <td>十田 畝二</td> <td>十田 畝五</td> <td>十田 畝四</td> <td>十田 畝八</td> <td>九田 畝四十</td> <td>九田 十一 畝百</td> <td>百田 畝二</td> <td>十田 畝四</td> <td>十田 畝五</td> <td>五田 十二 畝百</td> </tr> </table>	毛栗嶺	蛟源裡	赤足爻	下美洞	下巖口	桃園上下二洞	背山洞	廟背洞	吳家洞	石壩洞	十田 畝二	十田 畝五	十田 畝四	十田 畝八	九田 畝四十	九田 十一 畝百	百田 畝二	十田 畝四	十田 畝五	五田 十二 畝百	<p>藍山縣圖志</p> <p>卷三</p> <p>山川上 附田洞表</p> <p>六</p>	<table border="1"> <tr> <td>槐花冲</td> <td>白石源</td> <td>檫木洞</td> <td>早禾洞</td> <td>祖腹洞</td> <td>水浸冲</td> <td>東門寺</td> <td>上宅洞</td> <td>廻龍洞</td> <td>浴水洞</td> </tr> <tr> <td>十田 畝四</td> <td>畝田 九</td> <td>十田 畝九</td> <td>百田 畝一</td> <td>百田 畝二</td> <td>十田 畝二</td> <td>七田 十一 畝百</td> <td>十田 畝二</td> <td>十田 畝五</td> <td>十田 畝八</td> </tr> </table>	槐花冲	白石源	檫木洞	早禾洞	祖腹洞	水浸冲	東門寺	上宅洞	廻龍洞	浴水洞	十田 畝四	畝田 九	十田 畝九	百田 畝一	百田 畝二	十田 畝二	七田 十一 畝百	十田 畝二	十田 畝五	十田 畝八
毛栗嶺	蛟源裡	赤足爻	下美洞	下巖口	桃園上下二洞	背山洞	廟背洞	吳家洞	石壩洞																																	
十田 畝二	十田 畝五	十田 畝四	十田 畝八	九田 畝四十	九田 十一 畝百	百田 畝二	十田 畝四	十田 畝五	五田 十二 畝百																																	
槐花冲	白石源	檫木洞	早禾洞	祖腹洞	水浸冲	東門寺	上宅洞	廻龍洞	浴水洞																																	
十田 畝四	畝田 九	十田 畝九	百田 畝一	百田 畝二	十田 畝二	七田 十一 畝百	十田 畝二	十田 畝五	十田 畝八																																	
<table border="1"> <tr> <td>營腳嶺洞</td> <td>西嶺頭洞</td> <td>洋田洞</td> <td>栗江頭洞</td> <td>走馬洞</td> <td>沙溪洞</td> <td>井頭洞</td> <td>毛俊上水灌漑俱</td> </tr> <tr> <td>百上 畝下 井田 水二</td> <td>漑灌 餘中 畝下 溪田 水百</td> <td>百上 畝上 畝田 三</td> <td>百上 畝中 畝田 二</td> <td>千上 畝上 畝田</td> <td>百上 畝上 畝田 二</td> <td>百上 畝上 畝田</td> <td></td> </tr> </table>	營腳嶺洞	西嶺頭洞	洋田洞	栗江頭洞	走馬洞	沙溪洞	井頭洞	毛俊上水灌漑俱	百上 畝下 井田 水二	漑灌 餘中 畝下 溪田 水百	百上 畝上 畝田 三	百上 畝中 畝田 二	千上 畝上 畝田	百上 畝上 畝田 二	百上 畝上 畝田		<table border="1"> <tr> <td>井灣洞</td> <td>軍田洞</td> <td>龍岡脚洞</td> <td>麻水洞</td> <td>鴉冲洞</td> <td>朱家洞</td> <td>田以冲上水灌漑俱秧</td> </tr> <tr> <td>畝下 俱下 廢田 無三 水百</td> <td>百上 畝下 畝田 二</td> <td>百上 畝中 畝田</td> <td>餘上 畝下 鹿田 溪四 及百</td> <td>百上 畝中 畝田 六</td> <td>畝下 易中 旱田 百</td> <td></td> </tr> </table>	井灣洞	軍田洞	龍岡脚洞	麻水洞	鴉冲洞	朱家洞	田以冲上水灌漑俱秧	畝下 俱下 廢田 無三 水百	百上 畝下 畝田 二	百上 畝中 畝田	餘上 畝下 鹿田 溪四 及百	百上 畝中 畝田 六	畝下 易中 旱田 百												
營腳嶺洞	西嶺頭洞	洋田洞	栗江頭洞	走馬洞	沙溪洞	井頭洞	毛俊上水灌漑俱																																			
百上 畝下 井田 水二	漑灌 餘中 畝下 溪田 水百	百上 畝上 畝田 三	百上 畝中 畝田 二	千上 畝上 畝田	百上 畝上 畝田 二	百上 畝上 畝田																																				
井灣洞	軍田洞	龍岡脚洞	麻水洞	鴉冲洞	朱家洞	田以冲上水灌漑俱秧																																				
畝下 俱下 廢田 無三 水百	百上 畝下 畝田 二	百上 畝中 畝田	餘上 畝下 鹿田 溪四 及百	百上 畝中 畝田 六	畝下 易中 旱田 百																																					
<table border="1"> <tr> <td>塔水洞</td> <td>五泉塘洞</td> <td>賀家洞</td> <td>大泉洞</td> <td>水尾洞</td> <td>桐木林洞</td> <td>月溪洞</td> <td>上全洞</td> </tr> <tr> <td>百中 畝上 畝田 六</td> <td>百中 畝中 畝下 畝田 五</td> <td>百中 畝下 畝田 二</td> <td>百中 畝下 畝田 二</td> <td>百中 畝下 畝田 二</td> <td>百中 畝下 畝田</td> <td>百上 畝中 畝田</td> <td>餘上 畝中 鍾田 水二 灌百</td> </tr> </table>	塔水洞	五泉塘洞	賀家洞	大泉洞	水尾洞	桐木林洞	月溪洞	上全洞	百中 畝上 畝田 六	百中 畝中 畝下 畝田 五	百中 畝下 畝田 二	百中 畝下 畝田 二	百中 畝下 畝田 二	百中 畝下 畝田	百上 畝中 畝田	餘上 畝中 鍾田 水二 灌百	<table border="1"> <tr> <td>下門洞</td> <td>泗溪洞</td> <td>鄭家洞</td> <td>陳道福洞</td> <td>三广頭洞</td> <td>均田洞</td> <td>以溪水灌漑藍</td> <td>洪市洞</td> </tr> <tr> <td>百上 畝中 畝田 三</td> <td>百上 畝中 畝田 三</td> <td>百上 畝中 畝田 三</td> <td>百上 畝中 畝田 三</td> <td>百上 畝中 畝田 五</td> <td>百上 畝中 畝田 五</td> <td>畝田 二</td> <td>百上 畝中 畝田 二</td> </tr> </table>	下門洞	泗溪洞	鄭家洞	陳道福洞	三广頭洞	均田洞	以溪水灌漑藍	洪市洞	百上 畝中 畝田 三	百上 畝中 畝田 三	百上 畝中 畝田 三	百上 畝中 畝田 三	百上 畝中 畝田 五	百上 畝中 畝田 五	畝田 二	百上 畝中 畝田 二									
塔水洞	五泉塘洞	賀家洞	大泉洞	水尾洞	桐木林洞	月溪洞	上全洞																																			
百中 畝上 畝田 六	百中 畝中 畝下 畝田 五	百中 畝下 畝田 二	百中 畝下 畝田 二	百中 畝下 畝田 二	百中 畝下 畝田	百上 畝中 畝田	餘上 畝中 鍾田 水二 灌百																																			
下門洞	泗溪洞	鄭家洞	陳道福洞	三广頭洞	均田洞	以溪水灌漑藍	洪市洞																																			
百上 畝中 畝田 三	百上 畝中 畝田 三	百上 畝中 畝田 三	百上 畝中 畝田 三	百上 畝中 畝田 五	百上 畝中 畝田 五	畝田 二	百上 畝中 畝田 二																																			

大井頭村後洞 十田 畝三	服豬巖冲 八田 畝三十	下窰洞 六田 畝七十	大冲頭 四田 畝八十	張家洞 十田 畝一百二	早禾洞 二田 畝一百	雞屎洞 十田 畝二	毛栗冲 十田 畝六	蘿蔔冲 十田 畝四	蒲竹洞 十田 畝二	藍山縣圖志	欄洞 十田 畝五	榮木洞 七田 畝十二百	巖口洞 十田 畝四	磬脚洞 十田 畝七	後背洞 七田 畝十一百	神岡洞 十田 畝四	雙連洞 十田 畝七	背後田 十田 畝五	掛磬脚 十田 畝五	栗木源 五田 畝五十			
大麻營 百田 畝四	橫江洞 百田 畝四	帶六十三畝 百	草鞋坪至新 路板一	林布洞 百田 畝四	洪河洞 餘田 畝百	東團洞 餘田 畝百	巖口洞 餘田 畝二百	團圓洞 餘田 畝二百	青布源洞 餘田 畝二百	山川上 附田洞表	高良頭 餘田 畝二百	五家村 餘田 畝百	梶下洞 餘田 畝二百	良村洞 餘田 畝三百	北門洞 六田 畝十三百	東門洞 五田 畝十二百	以上鳳感鄉	沙坪嶺洞 十中 畝田大五	漿洞 百中 畝田				
虎形龍家塘洞 田中 三	楊柳塘洞 十上 畝田九	薛家栗木爻洞 田中 三	下坪山柏木冲洞 中上	肥水田 三中 畝田	紅花冲洞 三上 畝田	吳家洞 七下 畝田	高富洞 千上 畝田二	上奎洞 三上 畝田	北山背洞 百上 畝田五	團圓洞 千上 畝田	塘坵洞 六中 畝田	石礮洞 百上 畝田	溉	柏木坑洞 二中 畝田	井水上 灌七 畝俱	吳家洞 七下 畝田	高富洞 千上 畝田二	上奎洞 三上 畝田	北山背洞 百上 畝田五	團圓洞 千上 畝田	塘坵洞 六中 畝田	石礮洞 百上 畝田	溉
										卷三													
										七													

水頭門口洞 五田十二畝

水頭坊後背洞 百田二畝

坪石頭門口洞 十田九畝

隔江洞 二田十二畝

硃脚洞 二田十一畝

麻子塘 二田十一畝

社壩洞 十田八畝

秀广壩 十田六畝

牛壩頭 十田七畝

鄧家壩 二田六十畝

橋頭壩 二田三十畝

藍山縣圖志

卷三

山川上 附田洞表

三合團洞 尾大菜羅坪家上

四洞合其畝

山田洞 百田四畝

廖家莊 百田二畝

夏洞 百田四畝

沙子嶺 七田十一畝

成排洞 五田十二畝

大橋十八洞 共千八百四

餘五十畝

下洞 二田十一畝

猴背塘家灣洞 田中二

畝百餘

大井頭洞 百田上中畝四

山下洞 百田上中畝三

神山洞 百田上中畝二

井水灌八洞俱

詹家坊洞 百田上中畝二

水灌

觀隊洞 百田上中畝二

置田洞 百田上中畝二

八

蕭家洞 三上中下畝田

新村洞 餘上中田鍾水灌

溉

錫樓洞 餘中上田月溪灌

溉

下岐洞 畝中上田溪灌

車冲澁源洞 五中上田畝

井水灌

以上南平鄉

志卷三山川篇上附田洞表終

陂壩表

鍾水 涵溪 深水 濛溪 涵江

毛俊水 軍田水 華陰水 排田水 藍溪 月溪 塔水

水源 宅水 及其他

執洋壩 四在百埠頭 畝灌田

巖頭壩 百灌田 畝二

大陂 灌在高九百上 畝洞

西江壩 六在新村 畝灌田

坭灣壩 三百餘下 畝灌田

洲加陂 富在高洞

猴陂 田在劉百家 畝灌田

栗江頭壩 百灌田 數

小背江壩 灌在石頭下 畝村

車壩 田在藍十畝 灌

合掌壩 八百餘 畝灌田

大陂壩 田在柏十餘村 畝灌

雷公壩 林在溪

翟家壩 三百餘 畝灌田

牛形壩 田在三十餘村 畝灌

文魁壩 田在四百餘 畝灌

以上毛俊水流

廖家陂 田在數十源 畝灌

和尚壩 田在四百餘 畝灌

域

高兜陂

石牛壩 田在二千餘 畝灌

洋田壩 五百餘 畝灌田

杉兜陂

藍山縣圖志

卷三

山川上 附陂壩表

一

上壩 田在三百餘 畝灌

油蔴壩 田在龍四百餘 畝灌

杉江陂

封家壩 田在四百餘 畝灌

鹿溪壩 田在五鹿百餘 畝灌

以上張溪三洞陂

錦雞壩 田在四千餘 畝灌

雙雙壩 田在二百餘 畝灌

大橋陂 溪在洞張

崔家壩 田在千餘 畝灌

楊柳壩 田在八百餘 畝灌

石碑壩 家在薛

鄧家壩 灌在羊樓下 畝

以上軍田水流

大壩 田在二柳百餘下 畝灌

龍鬚壩 三在千嶺餘 畝灌

橫板壩 田在百井餘 畝灌

嶺頭壩 形在村虎

曹家壩 田在四百餘 畝灌

黃金壩 田在四百餘 畝灌

鳳形山壩

仙姑壩 田在三仙百五 畝灌

禮金壩 田在二百餘 畝灌

楊家陂 田在百餘源 畝灌

大壩 二在百五 畝灌

神仙壩 田在百麥 畝灌

龍泉陂 田在二百源 畝灌

大壩 二在百五 畝灌

禮金壩 田在二百餘 畝灌

以上水源宅水流

<p>蔣家陂 田在六上 百清畝 涵灌</p>	<p>石陂 田在百上 餘清畝 涵灌</p>	<p>前頭陂 手在上 對面 田家 灌右</p>	<p>下沙陂 手在上 灌田 數家 十下</p>	<p>矮陂 田在上 二百 清畝 涵灌</p>	<p>杜家壩 田在大 五十 橋餘 堡畝 灌</p>	<p>源頭壩 田在揚 七子 坳畝 灌</p>	<p>以上深 水流域</p>	<p>藍山縣圖志</p>	<p>卷三</p>	<p>山川上</p>	<p>附陂壩表</p>	<p>二</p>	<p>以上十七壩 鍾</p>	<p>大壩口 梁在源 水梁 灌頭 田高</p>	<p>頭壩溝 家在鐵 山屎 水灌 嶺白</p>	<p>餘五百 畝</p>	<p>冷腹壩 溪在陰 神廟 田九 蔭</p>	<p>上三壩 鍾水支</p>	<p>畝十餘</p>	<p>流</p>	<p>老娣壩 灌在大 四屋 地餘 前</p>	<p>黃田壩 灌在湖 二田 百腹 餘洞</p>	<p>窰頭壩 田在鴨 三百 餘洞 畝灌</p>	<p>師公壩 田在油 三百 餘脚 畝灌</p>	<p>白禾倉 壩在洞 灌白 田禾 四倉</p>	<p>竹先壩 樓在小 灌江 田洞 五羊</p>	<p>鐵爐壩 田在高 六百 餘里 畝灌</p>	<p>以上六壩 界溪水</p>	<p>及江水 塘水</p>	<p>頭巖壩 家在梁 下啟 灌洪 田之 二張</p>	<p>硬頭壩 家在梁 下啟 灌洪 田之 一張</p>	<p>沁水陂 靜在五 脚涼 亭田 亭一 卽</p>	<p>上二壩 透水巖 水</p>	<p>六畝壩 右在上 桃源 腹門 四十 首</p>	<p>出宰壩 形在下 墟頭 坪後 九十 人</p>	<p>下根壩 左在唐 田家 二洞 百門 三首</p>	<p>大壩頭 灌在馬 田三 脛十 村七 左上 畝</p>	<p>大壩頭 灌在馬 田三 脛十 村七 左下 畝</p>	<p>黃泥壩 灌在鄧 田五 家十 坪餘 左下 畝</p>	<p>劉家壩 灌在龍 田三 泉百 洞七 門十 首</p>	<p>富家壩 田在麥 田餘 畝灌</p>	<p>畝數十</p>	<p>畝</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>	<p>畝百餘</p>
------------------------------------	-----------------------------------	---	---	--	---	--	--------------------	--------------	-----------	------------	-------------	----------	--------------------	---	---	------------------	--	--------------------	------------	----------	--	---	---	---	---	---	---	---------------------	-------------------	--	--	---	--------------------------	---	---	--	--	--	--	--	----------------------------------	------------	----------	------------	------------	------------	------------	------------	------------	------------	------------	------------	------------	------------	------------	------------	------------	------------	------------	------------	------------	------------

<p>欄江廟陂 田在二寺百下畝灌</p> <p>狗欄陂 田在二寺百下畝灌</p> <p>茅陂 田在二仁百村畝灌</p> <p>月車陂 田在百仁餘村畝灌</p> <p>河子口陂 田在下二清百涵</p> <p>以上涵江流域</p> <p>七畝壩 田在清平三十橋餘灌</p>	<p>藍山縣圖志</p> <p>卷三</p>	<p>歐家陂 田在上百清畝涵灌</p> <p>上翟廟壩 田在上百清餘涵</p> <p>社陂 田在上百清畝涵灌</p> <p>大陂頭 田在龍百家坊灌</p> <p>大禾陂 田在龍餘家坊灌</p> <p>木樓陂 田在早百禾村灌</p> <p>大陂裏 田在厚百冲畝灌</p> <p>浸泥陂 田在三樓百下畝灌</p> <p>李子陂 田在石虎塘十灌</p>
<p>井水壩 田在三蕭百家山灌</p> <p>藍薤壩 田在三蕭百家山灌</p> <p>下溝壩 田在劉百家餘河畝灌</p> <p>稷江洞壩 田在劉三家百河</p> <p>大塘壩 田在東江餘畝灌</p> <p>以上排田水流</p> <p>老鼠壩 田在觀瀾百亭餘對</p>	<p>山川上</p> <p>附陂壩表</p>	<p>排樓壩 田在大三百鎮餘前</p> <p>陳家壩 田在高陽田里五大</p> <p>新壩 田在新壩頭畝灌</p> <p>李家壩 田在六畝七洞百井</p> <p>永安壩 田在鍾家三橋十左</p>
<p>唐家壩 田在塘一頭百源三門十首</p> <p>以上四壩冷水井</p> <p>朝南壩 田在牛頭灣林左</p> <p>狗肉壩 田在東路四源十畝</p> <p>楂梨壩 田在東路十源畝</p> <p>接龍橋壩 田在東路許源村</p> <p>冷水井 田在本井長流畝是</p> <p>及透水巖沁水巖</p>	<p>三</p>	<p>壇官壩 田在右桃源田腹三門百首</p> <p>朝南壩 田在桃源餘腹畝門首</p> <p>楓木壩 田在桃源百餘畝</p> <p>黃泥壩 田在蛟山書院五門</p> <p>木壩頭 田在惠泉菴十門畝首</p> <p>新壩頭 田在天馬十坪畝首</p> <p>以上七壩惠泉巖</p>

畝
以上涵溪流域

石冲壩 田在上四百餘畝

天鵝壩 田在五百餘畝

橋頭壩 田在三百畝

隔河壩 田在三百畝

通江壩 田在百餘畝

上壩 田在二百餘畝

壇干壩 田在百餘畝

赤珠壩 田在數十畝

藍山縣圖志 卷三

交龍壩 田在三百餘畝

後菌壩 田在二百餘畝

白婆壩 田在二百餘畝

壩志頭壩 田在百餘畝

石頭壩 田在百餘畝

茶干壩 田在數十畝

神堂壩 田在二百餘畝

嶠山壩 田在三百餘畝

羅家壩 門在灌田三百對

畝

狗肉壩 田在二百餘畝

風車壩 田在三百餘畝

洪河壩 田在二百餘畝

馬州壩 田在二百餘畝

陳家壩 田在二百餘畝

早禾壩 田在二百餘畝

界山壩 田在二百餘畝

頭壩 田在百餘畝

山川上 附陂壩表

以上流沙河流

新村壩 田在七百餘畝

上陳壩 田在六百餘畝

泗湘壩 田在六百餘畝

鄭家壩 田在五百餘畝

泗溪壩 田在三百餘畝

洋頭壩 田在二百餘畝

均田壩 田在百餘畝

楊家壩 田在百餘畝

早禾壩 田在雞嘶塘十畝

畝

石龍壩 田在雞嘶塘四十畝

水樓壩 田在百頭門十畝

門口早禾壩 田在百頭門十畝

大壩 田在百頭門十畝

以上六壩蛟龍井

石壩頭三壩 田在六十畝

石壩頭二壩 田在六十畝

四

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

石壩頭 田在百餘畝

藍山縣圖志

卷三

山川上 附陂壩表

五

李家壩 田在百白餘畝洞灌

黃家壩 田在二百百餘畝洞灌

袁家壩 田在百白餘畝洞灌

茅沙壩 田在百栗餘畝坪灌

赤土壩 田在百瓢餘畝硃灌

卸甲壩 田在數十鳳畝塘灌

新牛壩 田在數十鳳畝塘灌

牛橋壩 田在數十山畝洞灌

鄧家壩 田在數十山畝洞灌

荒田壩 田在數十山畝洞灌

赤干壩 田在百赤餘畝廟灌

大五壩 田在四兩千餘畝灌

冷水壩 田在二百班餘畝灌

六畝壩 田在百班餘畝下灌

五畝壩 田在榮李

北洲源壩 田在數源百口畝灌

春秋壩 田在數龍百川畝廟灌

石鼓壩 田在百李畝村灌

黃水壩 田在數顏百桂畝林灌

麻基壩 田在十塘畝腹灌

富家壩 田在二夏百餘畝福灌

洪市壩 田在洪百市餘畝溪

賀家壩 田在賀百家餘畝溪

坦溪壩 田在坦百頭餘畝溪

源口大石壩 田在廿二溪

橋頭壩 田在百藍後畝灌田

巖口壩 田在四觀百音九畝十灌

矮壩 田在百田餘畝灌

坦塘壩 田在四芹百菜五十灌

寧藍三登井壩 田在石灌盤

寧藍上馬魯壩 田在石灌盤

眾廣壩 田在百麻餘畝塘灌

富家壩 田在灣下昌田五灌

以上三壩地寶坪

巖水

黃泥壩 田在黃土嶺右五十

山腳鋪壩 田在虎溪坊左

以上二壩老漣源

曹家源

蕭家壩 田在蕭家山門餘畝

灣壩 田在桐木坪下手

泥壩 田在寧屬田四十餘畝門

下塘壩 田在寧屬田六十

過家壩 田在小水洞門畝首

新壩 田在小水洞門口

石凹壩 田在東藍塘脚門口

以上七壩桐木坪

巖水

禾堂壩 田在二百頭坊左畝

<p>潤洞壩 田在四五十畝</p>	<p>大壩 田在劉景福十畝</p>	<p>新壩 田在劉景福十畝</p>	<p>狗肉壩 田在隱婦餘石畝</p>	<p>黑狗壩 灌在楊美餘洞畝</p>	<p>黃家碓壩 灌在三美十堂畝</p>	<p>倒涼亭壩 灌在白米餘洞畝</p>	<p>嶺口壩 田在百餘口洞灌</p>	<p>藍山縣圖志 卷三</p>	<p>石頭壩 李在大叟五灌田下</p>	<p>胡家壩 下在橋</p>	<p>過房壩 朱在大側五灌田下</p>	<p>和尚壩 下在橋</p>	<p>東瓜壩 下在橋</p>	<p>石塘坎壩 灌在白米畝洞</p>	<p>水頭壩 田在數十畝</p>	<p>冷水壩 田在百餘畝</p>
<p>塔水李家壩 李在家塔對</p>	<p>塔水黃家壩 黃在家塔門</p>	<p>塔水黃家壩 黃在家塔門</p>	<p>水源頭壩 灌在水源百頭畝</p>	<p>大泉壩 田在百餘畝</p>	<p>以上月溪流域</p>	<p>大陂下 田在三梅百餘村畝</p>	<p>隘井壩 洞在大</p>	<p>山川上 附陂壩表</p>	<p>中家陂壩 洞在大</p>	<p>塘家灣壩 洞在大</p>	<p>神山下陂</p>	<p>株溪壩 溪在彰義團百株</p>	<p>域</p>	<p>以上藍溪水流</p>	<p>漢壩 田在唐家灣灌</p>	<p>四畝壩 昌在栗才田灣二下</p>
<p>大壩頭 灌在田栗百餘畝</p>	<p>滴水井 許在田鐵四寶十嶺八里</p>	<p>滴水井 許在田鐵四寶十嶺八里</p>	<p>白水洞 丫在嶺坡上灌後田</p>	<p>井廣大</p>	<p>矮壩頭 灌在田百六十餘</p>	<p>大井 廣在打大和堂下村灌左</p>	<p>六</p>	<p>石馬壩 里在許大灌田百餘</p>	<p>及畝是花冲壁水源</p>	<p>壩壩上 尿在洞樟灌田百餘</p>	<p>源口壩 灌在田源三口百五門十首</p>	<p>小五十畝是</p>	<p>大慈廟壩 洞在朱家五灌百下</p>	<p>上二壩武漣源水</p>	<p>油榨壩 灌在田宅一頭百畝左</p>	

社壩千在四下百洞四坊十灌畝田

大五壩溪在洞李樓仁首八

李昌壩田社三門千口六東側山灌

黃家壩田在青三百山八腳十灌

土溝壩田在東四百側二山十灌

廖家壩木在冲和灌平墟四桐

藍山縣圖志

重牆壩田在和二百平墟灌

西嶺壩田在晴二百霞圍灌

承田壩田在社三百門八十灌

牛角壩霞在圍社灌門口二晴

陳家壩田在栗山尾灌

以上濛溪流域

門餘灌畝田五

大方壩壩在方羅壩家二洞

神山下壩田在神三百山下

神山壩田在神百畝灌

以上七壩塔水

畝

龍登潛水首在坪石頭十門

龍登潛水首在坪石頭十門

白家壩田在塘九頭十源門是首

半邊巖手在灌成田百餘畝左

大窩冲壩在黃田十嶺七左

塘溪壩田在虎溪坊對十門

鴨漣廟壩尾在村下屬青山

樟木壩田在灌小田百餘畝水

是巖小水

界溪水二巖江及冷塘透水

沁水巖井水

大井滴水白井洞

巖水滴白井洞

是巖小水

塘堰表

南大 慈平 鄉鄉

白公塘 灌田三百畝可

五方塘 溉田數十畝可

概花塘 溉田數十畝

大源塘 在硯背可

冲頭塘 在白曜洞灌

張家塘 在城北嶺四十五

十餘畝溉

以上大慈鄉

藍山縣圖志

卷三

山川上 附塘堰表

一

無底塘 在南平鄉舊崩傳

四週皆濫

官塘下 溉田二百餘畝

陷為塘 甚多人入夜垂

錫水塘 長三里餘下

指掛入釣 再鉤往以

無出口

抱塘 泉自石罅出 清澈

染坊用一邑冠布

以上南平鄉

在城鄉

鳳感鄉

芹菜塘 在東十一畝團

魯草塘 溉田數十畝

劫塘 城南十五里

雷公塘 寬三十餘畝

鄉一小朝雷相雨陷落古

龍泉塘 溉田四十畝

成塘廣袤半里許

雷家塘 溉田五十餘畝

鉞鐘磬

相傳舊係一寺崩

長塘 在城東南三里

二里許洋田後崗

伏虎觀

田百畝

濫泥塘 在城子南嶺背十

蓮花塘 溉田百畝